庫全書

子部

欽定四庫全書 學林卷二

員外郎臣午稔文覆勘 總校官編修臣王熊緒 校對官中書臣王學海 騰銀監生臣曹曜淵

とこう見 115 新日 · 日本第二 現在 ないない おおかい おかます () 被目がとばれる おこうないから 兵解乃分經之年而居傳之 為經十 至左氏作傳三 王觀國 撰 自

盖闕如也故春秋書正月甲戌巳丑陳侯鮑卒左氏傅 顏氏以此為疑盖非所疑也孔子曰君子於其所不 之經也顏氏家訓曰春秋絕筆於獲麟而經稱孔丘 經傳集解是也公羊經止獲麟而左氏經止孔丘卒 之文孔子弟子欲記孔子卒之年故録以續孔子所脩 曰再赴也盖雖孔子不知陳侯卒在何日因其再赴故 小邾射不在三叛人之数則自小邾射以下皆魯史記 分經之年與傅之年相附比其義類各隨而解之名曰

金月口屋有書

書口甲戌已丑二日從魯史之文也又桓公十四年夏 是左氏作傳時經已闕月日矣莊公二十四年冬書郭 こう 氏而不言姜是左氏作傳時經已闕姜字矣孔子作春 齊君子以齊人之殺哀姜也為已甚矣左氏亦言夫人 夏五無月日者闕文也左氏亦止言夏而不言月日則 五鄭伯使其弟語來盟左氏傳曰夏鄭子人來尋盟盖 公而左氏無傳盖亦經之闕文也僖公元年十有二 ,已夫人氏之喪至自齊左氏傳曰夫人氏之喪至自 月

史則左氏於傅豈不能補正之而於傅亦闕而弗補者 文也左丘明與孔子同時又為魯太史魯史記盡在大 有法故與左丘明觀其史記據行事仍人道因與以立 也前漢藝文志曰仲尼以魯周公之國禮文備物史官 以此知作經已父經之文已闕而不可知然後傳始作 所褒諱貶損不可書見口授弟子弟子退而異言丘明 功就敗以成罰假日月以定歷數籍朝聘以定禮樂有 不應書夏五郭公夫人氏而已盖孔子卒而後闕其 銀定四庫全書

卷

受孔子之旨也然以闕文校之則漢志之言復室而 恐弟子各安其意故論本事而作傳審如此則丘明親 周易及紀年最為分了周易上下篇與今正同別有 科斗書久廢推尋不能盡通始者藏秘府余晚得見之 大得古書皆簡編科斗文字發冢者不以為意徃往散亂 通盖班固之言未可深信爾 預春秋集解後序口汲郡汲縣有發其界內舊家者 7.1 汲冢書

費直學易名家始以录象雜八卦中汲冢易有上下篇 盖文王作上下篇自為一編不與录象文言等相雜至 文作上下篇孔子為之家聚縣文言序卦之屬十篇 乖異觀園按前漢藝文志曰處犧作八卦文王重易六 復其父之田宅而中分之此為大與尚書叙說太甲事 士 伊尹仲壬崩伊尹放太甲于桐乃自立也伊尹即位 陽說而無录文言繫辭紀年稱商仲士即位居毫其鄉 於太甲七年潛出自相殺伊尹乃立其子伊陟伊奮命

銀定匹庫全書

篡也太甲殺伊尹則是誅篡臣也伊陟相太戊則是以 歸于亳此其可以取信于後世也若謂伊尹自立則是 憂克終允徳惟三祀十有二月朔伊尹以冕服奉嗣王 太甲三篇盖孔子親為之序而太甲書曰王祖桐宮居 甲既立不明伊尹放諸桐三年復歸于毫思庸伊尹作 也孔子定書自堯至秦凡百篇而為之序太甲序曰太 立陰陽之說而上下篇自為一編不與录象相雜之易 而别有陰陽說無象象文言之屬者當是學易之家自

三次足四軍人馬

用齊秦之義後宋魯之聽則五霸不足稱三王易為比 篡臣之子為相也其誣天下甚矣汲冢之語意其戰國 陽傅上吳王書曰秦用戎人由余而霸中國又曰誠能 注回夏伯昆吾商伯大彭承韋周伯齊桓晉文史記 春秋成公二年左氏傅曰五伯之霸也勤而撫之杜預 以來好異說者為之辭 文選載此書五臣注曰五伯齊桓秦穆晉文宋襄楚 伯

年为口居台灣

とこり声から 文選曰五霸秦穆楚莊齊桓晉文宋襄也觀國按霸伯 建與楊徳祖書曰田巴毀五帝罪三王訾五霸五臣注 顏師古注曰五伯謂昆吾大彭承章齊桓晉文也曹子 秦既稱帝十餘年間猛敵横發乎不虞適戍疆於五伯 齊桓宋襄晉文秦穆呉王夫差也又異姓諸侯王表曰 莊王前漢諸侯王表曰盛則問召相其治致刑指衰則 二字古人通用然左傳曰五伯之霸也勤而撫之杜 五伯扶其弱與共守顏師古注曰伯讀曰霸此五伯謂 學休

氏傳曰霸王之器也僖公二十 更尊周室一篇文中用霸伯二字也春秋閔公元年左 霸終不東并六國者諸侯尚衆周徳未衰故五伯送 可通用也然鄉陽書曰秦用由余而霸又曰五伯不足 伯音百可知矣其他散言五霸則或用霸字或用伯字 注曰夏伯昆吾商伯大彭承韋周伯齊桓晉文則此 字當音百故曰五伯之霸也一句之中用伯霸二字則 篇文字用霸伯二字也史記李斯傅曰秦穆公之 二年傳曰是以知其

多分四月全書

卷二

京師始而政由五伯又郊祀志曰合十七年而伯王出 霸王道雜之又十二諸侯年表曰周厲王奔於張亂自 霸字又用伯字也前漢元帝紀曰漢家自有制度本以 ・ストンフェス ト・ト・ア 文中既用霸又用伯二字音義皆同別無兩意何苦為 馬此班固用霸字又用伯字也觀國竊謂一篇文中當 遂霸也襄公元年傅曰以是求伯必不行矣此左氏用 多岐也顏師古漢書於諸侯王表五伯注曰齊桓晉 色字用霸則不須用伯用伯則不須用霸今一 學林 一篇

多分四库全書 古於二表所釋者皆周秦間事不當用昆吾大彭之說 有拾楚而稱吳者師古所引吳王夫差則誤矣 夫差顏師古於諸侯王表有吳王夫差而無楚莊又何 也五臣注文選於鄒陽書曹子建書有楚莊而無吳王 吾大彭承韋齊桓晉文師古自立二説何耶觀國案師 文宋襄秦穆呉王夫差於異姓諸侯王表五伯注曰昆 觀國案齊晉秦楚為大國夫差雖亦霸而最在後豈

とこうら 萬舞洋洋孝孫有慶俾丽熾而昌俾爾壽而滅保彼東 夫之魔又曰乃求千斯倉乃求萬斯箱恭稷稻梁農夫 字書慶字於平聲音羌叉音卿於去聲音丘映切訓曰 **矣悶宫詩曰白牡騂剛K真將將毛熙胾羨遵豆大房** 之慶裳裳者華詩曰芸其黄矣維其有章矣是以有慶 莫怨具魔甫田詩曰與我犧羊以社以方我田既摵農 福也賀也觀國考詩書易所用慶字皆當音羌楚淡詩 口祝祭于祐先祖是皇孝孫有慶萬壽無疆爾殺既將 1.4.

餘慶積不善之家必有餘殃又曰損上益下民說無疆 善降之百祥作不善降之百殃爾惟徳罔小萬邦惟 字皆與疆字常字同韻則慶音羌可知矣楊雄甘泉賦 自上下下其道大光利有攸徃中正有慶凡此所用磨 明乃然有慶安正之吉應地無疆又曰積善之家必有 易曰先迷失道後順得常西南得朋乃與類行東北丧 曰直唬唬以造天兮厥髙慶而不可乎彌度顏師古注 方魯邦是常書曰聖謨洋洋嘉言孔彰惟上帝不常作

銀好四周全書

とこうしいち 字亦音卿也投壺禮曰一馬從二馬以慶三馬既備請 郁郁紛紛請索輪国是謂卿雲前漢天文志曰若烟 字作羌音不妄也史記天官書曰若烟非烟若雲非雲 明兮於淳精彰皇徳兮作周成永延長兮膺天慶此慶 慶二字通用班孟堅白雉詩曰發皓羽兮奮翹英容潔 烟若雲非雲郁郁紛紛蕭索輪困是謂慶雲古人以卿 其云已顏師古注曰慶讀音羌以此知漢人盖嘗用慶 曰慶讀音羌班固幽通賦曰恐蜩蜽之責景今慶未得 學林

字同韻自謂古人諧聲有不可解者盖存中亦未嘗稽 載故後學莫之悟馬沈存中筆談言詩易慶字多與章 考爾非不可解也 賀也一字三音訓義不同而世一 慶多馬此慶宇音丘映切也詩書易史記慶字音羌音 因陸德明不能稽考經書用字之義而於釋文闕而不 卿者其義則福也投壺請慶多馬音丘映切者其義則 文中子叙篇 一切讀音丘映切者良

多好四周全書

史故次之以述史篇與文立制變理為大故次之以魏 とこり見いる 易之教化莫大乎禮樂故次之以禮樂篇禮樂著明則 次之以周公篇周公之道神乎易中故次之以問易篇 氏之易故次之以關明篇終馬觀國案王通死門人 相篇既燮理則至於命故次之以立命篇通性命者 阮逸注文中子又作叙篇曰文中子之教繼素王之道 天地篇天尊地里故次之以事君篇事君莫如周公故 以王道篇為首聖王俯仰二儀必合其德故次之以

绿其篇目但以篇首二字為之如文中子曰甚矣王道 劉炫問易即以問易為目十篇皆此類非通所自定亦 難行也即以王道為目房玄齡問事君即以事君為目 為十篇勒成十卷其事備見於福時所撰王氏家書雜 篇 書於通弟王凝凝退而求之得中說百餘紙雜記不著 如論語篇目乃門弟子所纂集止取篇首二字為目 目貞觀十九年凝以中說授通之子福時福時始編

銀好四屋全書

收姚義緩通之說名之曰中說杜淹為御史大夫索其

基

卷首二十餘篇皆以兩字為題如宿昔能畫圖難鸚鵡 亂子美初必各自有題後之編類者失其本題但取篇 學而時習之即以學而為目為政以德即以為政為目 首二字為題爾恐誤後生學詩者 折傳會而為之說則誤矣今世傳杜子美詩集第三十 非有他意義也阮氏不察乃以文中子十篇作叙篇曲 てこりる これ /類皆非本題詳其詩意皆追憶開元之盛歎天寳> 天地

一多玩四月全書 景尺有五寸者南戴日下萬五千里地與星辰四遊升 極之數段成式西陽雜俎口自地至天十一萬餘里觀 晉書天文志曰日去地常八萬里又曰地上去天之數 降於三萬里之中是以半之得地之中也以夏日至立 五寸謂之地中鄭氏注曰凡日景於地千里而差一 國案周禮以土圭之灋測上深正日景日至之景尺有 西二億三萬餘里南北二億三萬餘里自地至天半 一萬一千三百餘里又晉書地理志曰八極之廣東 寸

くろうう 也是則自地至天萬五千里爾而晉史與雜俎其言至 為然此乃古之聖人推測天地高深之灋其法不可易 爾雅曰治肆古故也肆故今也郭璞注曰肆既為故 尺之表其景適與土主等謂之地中今類川陽城地 今觀國案两雅釋話 萬里十 肆 | 萬里又無推測之灋荒唐無根可怪 篇皆用一字為訓曰治曰肆

璞誤析其句反以故今二字而訓肆字義雖亦通而非 從郭璞注則是以故今二字而訓肆字也此篇未有以 字訓豐也尼定曷遏四字訓止也顯昭覲釗覿五字訓 爾雅句法也詩曰肆成人有徳王荆公詩義謂肆為故 止也顯的親到親見也盖總變二字訓和也也無茂三 曰古此三字皆訓故也曰肆曰故此二字皆訓今也若 一字為訓者爾雅曰總燮和也苞蕪茂豐也尼定曷遏 也他皆類此爾雅釋話釋言二篇皆用一字為訓郭

銀定匹庫全書

史 足り 早とら 意亦不盡合盖毛氏臆說也周禮宗伯以肆獻裸事先 矣詩曰是伐是肆毛氏傳曰肆疾也肆無此二義於詩 歴切觀國案肆者解牲體而陳之故陳牲之官又有肆 王鄭氏注曰肆者進所解牲體也陸德明音義曰肆他 各有一義唯大明詩曰肆伐大商毛氏傳曰肆取也皇 踞也量也廣韻曰肆陳也恣也極也放也經書所言肆 極力也玉篇曰肆次也陳也緩也放也列也遂也恣也 今乃循郭璞之語爾又爾雅釋言曰肆力也郭璞注曰 學林

氏謂周之行列也人有以德善我者我則置之於周之 鹿鳴詩曰吹笙鼓簧承筐是將人之好我示我周行鄭 列 肆或将並以肆音他歷切豈不蔓疑於後學耶 為他歷切取剔解牲體之義故凡經書言肆牲及詩或 師則肆如本字音四其義則明矣而陸徳明遽變其音 位維賢是用也禮記緇衣篇曰詩云人之好我示我 行鄭氏注曰行道也言示我以忠信之道觀國案鄭 周 行

金贝巴尼

大江日日本江西 考之将字與行字同音韻則周行之行音航也若以周 **他他公子行彼周行則霜字行字為韻言財貨盡使行** 子賢人置周之列位也大東詩曰糾糾葛倭可以復霜 盈項筐嗟我懷人真彼周行則筐字行字為韻言思君 行為忠信之道則行音幸矣案卷耳詩曰采采卷耳不 之周也二義實不同盖鄭氏自矛盾也今以鹿鳴詩辭 信之道盖周之行列者周家之周也忠信為周者比周 氏之訓周行也在詩則訓為周之行列在禮則訓為忠

我懷人宜彼周行能官人也王及公侯伯子男甸采衛 皆音航也春秋襄公十五年左氏傳曰君子謂楚於是 知矣周者周家之周也若君子周而不比乃忠信為周 大夫各居其列所謂周行也然則詩凡言周行音航可 乎能官人官人國之急也能官人則民無親心詩云嗟 周之列位者而發幣馬二詩言周行與鹿鳴之周行同 之周鄭氏訓禮記誤矣

銀牙四屋有電

欠已日巨二十五 明 孝明不喜樣古更以今文行於世司馬遷史記本紀已 音哀亦作鮫其字皆从魚諸字書皆曰魚也古人多借 用縣字後之變謀亦因用之故經書唯尚書多用俗字 科斗文字至孔安國時無識古文者乃以隷古定之唐 用字故尚書禹父名用絲字其實當用熊字也古文乃 女之女為汝變多執為藝泰始皇改舉為罪尚書乃用 如古文景字尚書變為影古文教字尚書變為勒變爾

縣音衮亦作散其字皆从骨諸字書皆曰禹父名也蘇

當略而弗論 罪字漢文帝改對為對尚書乃用對字以至變說為悦 羽淵王子年拾遺曰鯀治水無功舜殛鯀於羽山化為 烝民詩曰任賢使能周室中 **玄魚入於羽淵縣字或從玄魚也二說怪誕不經君子** 字而代古文也國語曰魰殛於羽山化為黃熊以入於 中興 變態懖為聒聒變於乎為嗚呼凡此皆用 興馬陸徳明音義曰中

多分で屋子書

卷二

くろうえ 尾不必均但在二者之間爾中與者在一世之間因王 中與陸徳明音義曰中丁仲及觀國案中字有鍾聚二 世當衰矣光武能復興漢室故光武謂之中興晉之世 之世當衰矣宣王能復與周道故宣王謂之中與漢之 商之世當衰矣高宗能復與商道故高宗謂之中與周 道裏而有能複與者斯謂之中與首尾先後不必均也 音其義異也音鍾者當二者之中首尾均也音象者首 仲及杜預春秋左氏傅序曰若平王能祈天永命紹開 1.1.

塗中部之類皆當音鍾盖義當音鍾也杜子美喜達行 詩曰萬里傷心嚴譴日百年垂死中與時二詩皆律詩 曾衰矣元帝能再造晉室故元帝謂之中與唐之世曾 在所詩曰今朝漢社稷新數中與年又送鄭虔貶台州 並用中字作去聲前賢用字皆有所本不妄舉也 世之間因表而復與故皆謂之中與其時之首尾先後 衰矣肅宗能復興唐室故肅宗謂之中與凡此皆在 不必均也此中與之中所以音栗若中年中葉中天中

多定四库全書

人工日日本 **曾東郊地名也盖案者古文也數費皆樣文也廣韻當** 費宰以費畔春秋師師圍費季氏城費之類皆變古文 誓敗乃獲敛乃阱盖柴者古文費字也科斗古文尚書 東郊地名也廣韻曰酆亦作費邑名在魯又列柴字曰 為隸字也柴亦作鄭亦作費許慎說文曰蜚音秘魯 周禮雅氏春令為阱獲秋令塞阱杜獲鄭氏注曰書、柴 用柒字孔安國以隷古定之故變為費字以至論語為 學林

金分四月分書 别出割字深字乃古文流字玉篇既出深字又别出流 悟其柴為古文也當鄭氏注周禮時尚知用古文自漢 先列縣字而以暫費二字續之為是而乃先列酆費二 字皆字書之訛也史記魯世家曰淮夷徐戎亦並與反 字可以見也又如割字乃俗書副字玉篇既出副字又 以往古文祭絕矣今禮部韻略次酆費二字而不收柴 字訓曰邑名在魯後又别列柴字訓曰魯東郊地名殊 不知邑名在魯者乃東郊地名也一事而分兩訓蓋不

夷狄之人或晓鳥獸之言觀國案二隸所謂與鳥獸言 **柒為北下米與比下米一也** 伯禽率師代之於肸作肸誓裴駰注曰尚書作柴誓然 周禮秋官夷隷掌與鳥言貉隷掌與獸言鄭司農注曰 則司馬氏假借用肸字肸非古文柒字也許慎說文作 鳥獸言

欠已日華白馬

者乃人言也非鳥獸言也盖人與鳥獸言而鳥獸喻

之言也若謂鳥獸言而人有曉之者誤矣前漢武帝紀

學林

犧猶今人有聞人聲鴟鳴而能知其吉凶禍福者盖自 犧皆用之矣其音云問之而信且聞牛鳴而知其生三 秋僖公二十九年左氏傳曰介葛盧聞牛鳴曰是生三 拜起周章從人意也顏師古注曰能言爲即鸚鵡也盖 多写四层有量 人言而鳥獸喻人之言非鳥獸自能言而人曉之也春 馴象喻人言故能拜起從人意儛馬與此同也能言鳥 元狩二年南越獻馴象能言鳥應劭注曰馴象者教能 《教之言非人教之則不能言今世多有之凡此皆

大王可馬… 外者所不厭其怪也 議非牛能言之也介葛盧神其事而文其辭耳譬猶東 尚書費誓曰杜乃獲斂乃穽孔安國傳曰獲捕獸機 語此盖因左氏傅有介葛盧之語而為之說亦寓言方 ·朔射覆之義也若謂牛音云生三犧皆用之則厚誣 下矣列子曰東方介氏之國其國人數數解六畜之 行數介葛盧聞牛鳴能以其術數求之當知生二

徳明周禮音義曰獲胡化及禮記中庸曰予知驅而納 諸罟獲陷阱之中陸德明禮記音義曰獲胡化及觀國 穿地為堂也獲作鄂也堅地阱淺則施称鄂於其中 **阱淺則施之以此考之則阱獲之獲當音胡郭切其胡** 案廣韻去聲獲胡化切木名也入聲獲胡郭切作鄂也 陸徳明書音義曰獲華化及周禮雅氏春令為阱獲 化切者乃木名也陸徳明諸經音義皆誤矣 令塞阱杜獲又冥氏掌為阱獲以攻猛獸鄭氏注曰阱

多牙四月分重

則屬民而讀邦灣書其孝弟睦州有學者春秋祭酺 令會聚飲食五日也顏師古注曰酺之為言布也王徳 步漢律三人以上無故羣飲酒罰金四兩今詔輔賜得 前漢文帝紀詔曰朕初即位其赦天下賜民爵一級 子百户牛酒酺五日服度注曰酺音蒲文類注曰酺 7.27 ... 於天下而合聚飲食為輔觀國案周禮族師曰月吉 鄭氏箋曰酺者為人物裁害之神也族長無飲酒 酺 Į 擊林

貴賤升降揖遜之儀故因春秋祭酺以除人物裁害而 禮實之所謂以禮禮實之者以鄉飲酒之禮而禮賓之 音義曰酺音步盖六鄉有鄉大夫與賢者能者而以禮 飲 也有州長以禮會民而射於州序有黨正以禮屬民而 百家乃五比四問之民也無飲酒之禮則曠於長幼 '禮因祭酺而與其民以長幼相獻酬馬陸徳明周禮 酒於序惟族師問骨比長則無飲酒之禮族師所掌 此百家以飲酒使知獻酬之節然後孝弟睦媧有學

多员匹库全書

欠己日巨公子 意也許慎說文曰王德布大飲酒盖王德布者謂恩賜 也井田之灋已廢而酺之名猶在故也顏師古乃曰酺 後始得會聚飲食馬賜酺五日者使得會聚飲食五 布也王徳布於天下而合聚飲酒為酺此非賜酺之 飲者亦謂之脯漢律無故羣飲者有罰因恩詔賜酺 ·收酺字當讀音蒲為是今汴京城西有酺池乃因酺 酺乃祭名也非王徳之名也廣韻酺音浦而步字前 可書矣然則春秋祭酺者歲二酺也故後之里社聚 學林

銀分四起分章 案尚書禹貢曰壺口治梁及岐史記河渠書曰秦鑿涇 水自中山西邸瓠口為渠則古之人以壺瓠通用為 者為壺壺瓠也又爾雅釋器曰康瓠謂之縣郭璞注曰 **瓠壺也既曰壺瓠也又曰瓠壺也則壺瓠一物矣觀國** 爾雅釋木口賽壺棗郭璞注曰令江東呼棗大而銳 而得名者矣 壺瓠

字也故七月詩曰八月斷壺毛氏傳曰壺勢也後漢郡

欠已日事人 禮記明堂位曰魯王禮也天下傳之父矣君臣未當相 也 棄周則分而齊康勢覷別子曰中流失舩一壺千金盖 國志河東垣縣有壺丘亭章懷太子注曰春秋襄公元 皆通用之也瓠亦讀音壺廣韻平聲曰瓠音胡瓠爐瓢 有壺丘專凡此皆以壺為瓠者也賈超吊屈原賦曰斡 年左傳晉討宋五大夫寘諸瓠丘杜預注曰垣縣東南 魯 學林 Í

曾變矣伐莒献俘始用人於毫社則魯之刑曾變矣宣 告朔宗婦靚用幣則魯之禮當變矣季氏八佾舞於庭 曾相裁兵躋僖公立場宫丹桓公楹刻桓公稱閏月不 我也禮樂刑法政俗未當相變也天下以為有道之國 関公而立僖公襄仲殺太子惡而立宣公則魯之君臣 觀國案春秋魯桓公弑隱公而自立共仲殺子般又弑 公初稅畝成公作丘甲哀公用田賦則魯之法嘗變矣 三家者以雅徹襄仲卒壬午猶繹萬入去裔則魯之樂

金分匹尼

白書

人二丁戶二十 姬是謂取同姓魯人諱取同姓故謂之吳孟子論語 别也買妄不知其姓則卜之以此坊民魯春秋猶去夫 美魯也然美魯不當如此坊記曰取妻不取同姓以厚 魯文公薨而東門遂殺適立庶魯君於是乎失國政在 司敗問昭公知禮乎孔子曰知禮曰君取於吳為同姓 以為神命國人祀之則魯之俗嘗變矣明堂位之言盖 李氏則魯之政嘗變矣海鳥爰居止於魯東門滅文仲 之姓口具其死口孟子卒盖具魯同姓魯的公取具

絲衣詩曰兕觥其觩古酒思柔不呆不敖胡考之休毛 坊記則具言船公之失盖記禮者無所諱故也明堂位 氏傳曰吳譁也鄭氏箋曰飲美酒者皆思自安不及譁 耶 乃曰君臣未嘗祇禮樂刑法政俗未當相變其誣後世 取同姓之為非而曰知禮者孔子為魯諱也故禮記於 吳吳

多分四局全書

謂之吳孟子君而知禮孰不知禮且孔子豈不知的公

具為胡化切蓋具字未當有胡化切之音故也史記漢 或變為吳耳吳亦有大聲之義然既變用吳則不可音 聲也故史記封禪書曰問至甘泉公卿大夫請尊賢問 徳明音義曰吴音話觀國案玉篇廣韻曰吴胡化切大 引詩曰為爲及萬不吳不敖胡考之休然則本用吳字 薛也言多士之於伐淮夷皆勸之不諠薛不失聲也陸 敖五锆切洋水詩曰烝烝皇皇不天不揚鄭氏箋曰天 不敖慢得壽考之休祥陸德明毛詩音義曰吴胡化切 アノカ・ノフ・ライ・トー カラ 學林

章懷太子注曰欽從天蓋天與兵古人通用之當為欽 虞字麌俱切二音不相通雖云假借其失經意遠矣後 也又引張揖字計曰致音華觀國案字書銀音華鳌也 漢戴就傳曰燒鈴斧使就挾於肘腋章懷太子注曰欽 熱胡考之休又變吳為虞蓋司馬遷於封禪書用吳字 從天毛詩曰不吳不敖又引何承天纂文曰南今之鍛 武帝紀引詩曰自堂祖基自羊祖牛爲門及萬不虞不 於武帝紀用虞字何其相遠如此案字書呉字五字切

多けで月全書

屬者級札聯屬之数也合甲最堅其次兕甲又其次犀 書無以屬音注者當音屬為聯屬之屬蓋七屬六屬五 屬讀如灌注之注謂上旅下旅礼續之數也觀國案字 犀甲壽百年兇甲壽二百年合甲壽三百年鄭氏注曰 周禮考工記函人為甲犀甲七屬兕甲六屬合甲五屬 **銀二字通用史借為鈠耳** 圍

المراد الماداء المادات

掣林

甲堅甲聯屬少而柔甲聯屬多此自然之理也音屬為

言用革為甲之法此周制也不言以金為甲則知古人 必先為容然後制革又曰凡察革之道蓋函人一官皆 國按古之為甲皆以革為之故函人用犀児之革為甲 合甲者削革裹肉但取其表合以為甲函人曰比為甲 十二石之弩覓矢五十个如淳注曰上身一髀褌一 注實為無義前漢刑法志曰魏氏武卒衣三屬之甲操 一中亦縣屬之屬音蜀是也顏師古音之欲反誤矣觀 一凡三屬也顏師古曰屬之欲反觀國考魏氏三屬

金月人也是 白重

大三日日 公田 楚人鮫革犀兕以為甲前漢藝丈志曰後世曜金為刀 割草為甲凡此皆言以革為甲未聞用金甲也然則用 兵革非不堅利也家語曰南山有竹不柔自直斬而用 樂記日左射貍首右射關虞而貫革之射息也孟子曰 之達於犀革淮南子曰貫兕甲於三百步史記禮書曰 唯用革甲而已出其東門詩曰公子五爭兵革不息野 有蔓草詩曰君子澤不下流民窮於兵華溱洧詩曰兵華 不息男女相棄中庸曰袵金革死而不厭北方之强也 學林 Ī

徳陸徳明音義曰復音服又扶又反成公十八年夏楚 春秋成公十三年左氏傳曰吾與汝同好棄惡復修舊 子鄭伯代宋宋魚石復入於彭城左氏傳曰鄭伯侵宋 美詩曰未聞細柳散金甲凡言金甲皆見於後世也事 堅使熊邈造金銀細鎧察文姬詩曰金甲耀朝日杜子 有出於古人創法而後世更加精者甲之類是也 金為甲者秦漢以後乎釋名曰甲亦曰介亦曰鎧故符 復覆

多りせんと

音服者其義則反也若周易復卦詩宣王復古之類是 代鄭桓公元年左氏傳曰鄭人請復祀周公之類是也 扶又反者其義則再也若隱公四年左氏傳曰諸侯復 遂會楚子代宋納宋魚石向為人鱗朱向帶魚府馬以 也成公十三年左氏傳所謂復修信徳者乃再修信德 音義曰復入扶又反復歸音服觀國案字書復有二義 三百來戊之而還書曰復入凡去其國國逆而立之曰 復其位日復歸諸侯納之曰歸以惡曰復入陸徳明 ニナバ

動力四月全書 若成公傳所謂覆師徒所謂傾覆我社稷若襄公傳所 謂傾覆無所控告所謂大懼社稷之傾覆此類是已而 也倒也為三覆以待我者為傾覆之兵以伺我而發也 亦有二義扶又反者其義則蓋慶也音福者其義則敗 也當音服陸德明皆存兩音則何所適從也又襄公十 注曰覆伏也陸徳明音義曰覆扶又反觀國案字書覆 也當音扶又反十八年傳曰復歸復入者乃反歸反入 三年左氏傳曰呉侵楚養叔曰子為三覆以待我杜預

者至也當作都歷切而陸德明於瞻印詩列兩音者不 陸徳明於三覆音為扶又反誤也 能考其義而別之也又於節南山瞻仰詩皆音曰如字 切至也此二音分二義不同考節南山瞻印詩言不弔 書吊字去聲多彌切吊生曰嗚吊死曰吊也入聲都歷 節南山詩曰不弔昊天陸徳明音義曰吊如字瞻印 曰不吊不祥陸徳明音義曰吊如字又音的觀國案字 : 5! 弔 1.10 掣体

都歷切者也義各有所歸不可混而無別 與曰弗吊天降喪於殷盤與曰吊由靈費誓曰善數乃 之髮而吊又曰死而不吊者三周禮曰以吊禮哀禍哉 生者吊又曰吊喪弗能賻不問其所費檀弓曰魯婦 所謂如字者讀為多爛切亦非也論語曰羔表玄冠不 甲冑敵乃干無敢不吊天保詩曰神之吊矣凡此類皆 凡此類皆多彌切者也大語曰弗吊天降割於我家君 以吊春秋隱公元年左氏傳曰吊生不及哀曲禮曰知

多好四样全書

盖言數見也講武類為詩口屢豐年鄭氏箋日屢亞也 傳曰吾先君之函戰蓋言數戰也少儀曰亟見曰朝夕 者急也無衣詩曰亞用兵而不與民同欲盖言數用兵 大王四事 白雪 元年左氏傳曰亟請於武公盖言數請也成公十六年 也東門之粉詩日亞會於道路蓋言數會也春秋隱公 與字書史中用之最多一曰欺真切一曰紀力切義若 似而難於區別觀國案字書欺與切者數也紀力切 亟 学林

急也史記秦楚之際月表曰未始有受命若斯之虽也 急也的公五年傅日屑屑馬習儀以巫蓋言以習儀為 去也定公五年傳曰歸栗於蔡以周亞矜無資蓋言周 盖言數豐年也前漢刑法志曰師旅函動蓋言數動也 **胎車也春秋隱公十一年左氏傳曰乃丞去之蓋言急** 屋也何人斯詩曰爾之虽行遑脂爾車蓋言急行不暇 始勿亟蓋言勿急也七月詩曰亞其來屋蓋言急於治 如此類逐字並音欺其切其義則皆數也靈聖詩曰經

蓋言受命之急也如此類亟字並音紀力切其義則皆 大三日后人 大弓天子之戎器也鄭氏記曰棘戟也引春秋傳曰子 孔棘且殆凡此言棘亦皆訓急也禮記明堂位曰越棘 也抑詩曰俾民大棘江漢詩曰匪叛匪棘雨無正詩曰 追來孝檀弓曰夫子之病革矣古人以棘革二字通用 注曰棘急也革亦讀音棘故禮器引詩曰匪革其散幸 棘革三字皆訓急文王有聲詩曰匪棘其欲逼追來孝 急也以此考之則亟有二音自分二義各有區別矣亟 擎林

音者嘉也長發詩曰昭假遲遲雲漢詩曰昭假無嬴泮 格同音又胡駕切與暇同音其與檟同音者大也其與 **核同音者借也休假也其與格同音者至也其與服同** 假古雅切與禮同音又古訝切與稼同音又古伯切與 字盖不害於義也 引埤蒼云垂嫩地名出美玉而左氏傳孟子皆只作棘 年月日月月十 拔棘廣韻棘字注曰棘小棗又越戟名廣韻棘字注 假

考其義皆當音古雅反為是若夫假樂嘉成王音暇維 el allorat little 詩則音古雅反於泮水噫嘻烝民詩則音古伯反凡分 王則音古雅反於難則音胡駕反凡分兩音者亦非也 兩音則非也考其義則皆當音格為是文王詩曰假哉 水詩曰昭假烈祖噫嘻詩曰既昭假爾然民詩曰昭假 天之命曰假以溢我音服小弁詩曰假寐永嘆音禮那 天命雖詩日假哉皇考二詩言假哉則同而音義於文 於下凡此詩言昭假則同而陸徳明音義於長發雲漢 學林

書未當用之難於通押丈士亦用假字為遐字前漢禮 當用上聲音横去聲唯有休假之義雖有借貸意而經 然無疑者孫諤申明禮部韻略謂假字許於上聲去聲 也至於假道於虞以伐號音續王假之音格之類皆顯 來假來假祁祁音格凡此詩各有一義其音亦與義通 詩曰湯孫奏假音檟思齊詩曰烈假不瑕音慣烈祖詩 通押今考左氏傳曰假許田惟名與器不可以假人止 日酸假無言以假以事來假來響音格玄鳥詩曰四海

銀好四年全書

段干而名木史記老子傳曰老子之子名宗宗為魏将 欠日日日日日 霞之類皆從段也段字如前漢段會宗後漢段光段珪 樂志郊祀歌曰流流四塞假狄合處顏師古曰假即遐 不同然其形易於相亂應當分別魏有段干木乃複姓 唐段成式鍛服搬破殺之類皆徒段也段段二字偏旁 盖段字如前漢地理志琅邪郡有雲段縣假服遐嘏蝦 字假狄遠夷也說文作假亦通用假耳說文曰段古雅 切借也於篆為段又段字徒玩切分段也於篆文為段 字林

段干朋盖因邑為姓也前漢班固幽通賦曰木偃息以 金月口月月十 封於段干裝 關注曰段 干魏邑名有段干木段干子田

金工石工木工獸工草工鄭氏注曰金工築冶是泉鍛 六築冶鳬桌段桃而段氏闕曲禮曰天子之六工土工 蕃魏兮乃舉段干木之名也周禮考工記曰攻金之工

桃而陸德明音義曰鍛丁貫反盖古之周禮傳者非

亦當讀作丁貫及且及金之工當用鍛字耳鍛段通

用

本鄭氏用鍛字必別本周禮而今世所傳周禮作段字

生民詩曰不坼不副無當無害曲禮曰為天子削瓜者 一義也 副羊

副之陸德明音義皆曰副字逼反觀國案周禮大宗伯 以酯辜祭四方百物又鬯人曰凡酯事用散陸徳明音

たらりをいた **節謂之散尊酯事用散尊散列不一也為天子削瓜者** 義皆曰臨乎逼反盖副與酯一字也副乃酯字之半耳 **福辜者臨牲骨磔裂之以祭四方百物之神也酒尊無** 學林

然則革與萍乃二物其字不相通用詩曰食野之草食 **氏箋曰華賴蕭觀國案所雅曰萍湃其大者賴郭璞注** 為訓義非也鹿鳴詩曰食野之羊毛氏傳曰革游也鄭 之義字書當於入聲收副字在臨字之下乃立兩字各 而已不拆不副者無分裂之患也副騙皆取四達開裂 裂之而不四折也為大夫累之累倮也為士疐之去疐 曰萍水中浮游爾雅又曰萃 賴蕭郭璞注曰今賴萬也 副之則既削又四折而橫斷之也為國君者華之則中

金以口为自言

といりらんとは 宴諸侯也靈運以食革為食游五臣謂游革也皆誤矣 周禮司尊舜曰秋喾冬烝裸用耸婺黄婺鄭氏注曰瑩 説也亦誤矣 來唯見今日美五臣注文選曰蓱革也食革之詩天子 野之萬食野之芬皆鹿食地上所生之物非水中 玉篇曰革游也又赖蕭也兩存之者因毛鄭訓詩而為 非萍矣賴蕭是也謝靈運擬都中集詩曰自從食游 耸旂

故行章詩曰洗的真年音義曰学古雅反周禮鬱人曰 多分では人生書 一他明音義日耸音稼觀國案字書日耸古雅切玉爵也 堂位日夏后氏以琰商以学鄭氏注曰学畫禾稼也陸 飾而遂改斚音稼恐非義也司馬温公詩話曰庭燎詩 切以此觀之凡常字皆當讀為古雅切畫禾稼者耸之 大祭祀與量人受舉耸之卒爵而飲之音義曰耸古雅 讀為稼稼奏畫未稼也陸徳明音義日等音稼禮記明 **石夜鄉晨言觀其旅游當讀音片而釋音為祈或言周**

次定四華全書 亦可知矣旂字當有祈片二音字書不収片音蓋閱典 晨同韻則旂當音片可知也春秋左氏傳晉獻公時童 **芹魯侯戾止言觀其族此二詩與庭療詩族字皆與芹** 天策煩熄火中成軍號公其奔舉此言之則於當音片 盆口內之辰龍尾伏辰杓服振振取號之旂熟之貴貴 其片君子來朝言觀其旅泮水詩曰思樂泮水簿采其 776

人土語謂片為祈觀國又案采設詩曰感沸檻泉言采

生り 音義曰敦音堆觀國案字書去聲敦字都內切珠盤 者敦當讀作頭若爾雅釋天曰太歲在子曰困敦音義 古注曰丘 口敦都昆反觀國案前漢地理志東都有頭丘縣顏 爾雅釋丘曰丘一成為敦丘郭璞注曰成猶重也音義 敦音頭此類是也而爾雅音義乃音敦丘為都 Ą 爾雅釋丘又曰如覆敦者敦丘郭璞注曰敦孟 敄 人とこれ 成為頭丘以此知爾雅云丘一成為敦丘 1 児反 師

回敦敦然獨宿於車下讀敦作都回反又回有敦瓜苦 敦字旁音軍多故易於疑亂如東山詩曰敦彼獨宿箋 欠こりらんか 訓曰敦專專也讀敦作徒端反行聲詩曰敦彼行聲訓 為堆誤矣爾雅釋丘凡有兩敦丘而音義皆誤訓之盖 敦音義皆音敦作對此類是也而爾雅音義乃音覆致 周禮戎右曰盟則以玉敦辟盟明堂位曰有虞氏之兩 擊林

如盂貯挿血之酒於玉敦當讀覆敦之敦為都內切岩

敦也然則爾雅云如覆敦者是若覆盂狀玉敦之形亦

詩曰鋪敦淮濱仍執應屬箋曰敦當作也陳屯其兵於 乃欲改敦為屯其取訓遠矣有客詩曰有姜有且敦琢 康聚其兵於淮上當讀鋪敦之敦為徒端切而鄭氏箋 淮水大防之上也觀國案敦字徒端切者其義則聚也 弓也音敦作雕觀國案許慎說文曰弴音雕畫弓也然 則本用弴弓詩人假借用字為敦弓讀音雕是也常武 其旅閱官詩曰敦商之旅克咸厥功二詩音義皆音敦 曰敦聚也請敦作徒端及又曰敦弓既堅訓曰敦弓畫 金灯四母全書

訓不相附近而取義迂遠今案司凡延之文乃喪事設 讀敦作壽蓋用檀弓之文以訓之耳然讀敦為肅於音 棺在殯則椁黃觀國案檀马曰天子龍輔而椁悔諸侯 周禮司几錠曰凡丧事設革席右素儿其柏席用谁糊 為都回反此二詩言敦皆敦治之義讀音都回反是也 大臣日臣 八子丁 席設几者也敦當讀音徒端切其義則聚也每席聚處 輔而設博鄭氏注曰轉覆也鄭氏注司几延每敦一 統諸侯則紛純每敦一几鄭氏注曰敦讀曰壽壽覆也 美

春秋文成数萬其指數千顏師古注曰一萬之外即以 史記太史公自序曰春秋文成數萬其指數干張晏注 有四萬四千餘字故云文成數萬也前漢司馬運傳曰 太史公此辭是述董生之言董仲舒自治公羊經傳凡 曰春秋萬八千字當言減而云成數字誤也裴駰注曰 訓不唯取義太達而導多疑於後學是誰之過與 几則文與義通矣若夫數數變易字形而為之音 春秋經字數

藝文志曰說五字之文至二三萬言又食貸志曰發車 書萬餘卷梁沈約有書二萬卷蕭勵聚書三萬卷前漢 國案前漢食貸志曰發吏卒間歲萬餘人齊王僧孺有 亦非也顏師古云一萬之外即以萬言之故云數萬觀 也太史公論春秋豈以公羊傳恭計其文數耶裴駒注 所傳春秋經一萬六千五百餘字張晏云萬八千字非 萬言之故云數萬學者又為曲解云公羊經傳凡四萬 四千餘字史遷豈謂公羊之傳為春秋乎觀國紫今世

二萬至三萬則稱三萬自一二三萬之外則差多矣故 馬往來食長安者數萬匹又曰通西南夷道作者數萬 千餘字當言文成萬餘而云數萬者太史公之言不確 千之多為數千是則積萬之多乃為數萬春秋經萬六 十数百數千也積十之多為數十積百之多為數百積 人故凡言數萬者差多也不止乎一二三萬也猶之數 稱數萬前漢儒林傅曰后倉說禮數萬言又食貸志曰 三萬两然則古人於一萬之外則稱萬餘至二萬則稱

多気四年全書

とこうえいける 前漢儒林傳曰后倉說禮數萬言號曰后氏曲臺記服 觀之則顏師古之訓不確益可知也 **虔注曰在曲臺校書著記因以為名顏師古注曰曲臺** 也譬如易大行之數二篇之策萬有一千五百二十而 六百八十五字而變之云其文數萬則言意合矣以此 訓之曰二篇之策數萬可乎若孟子題辭曰三萬四千 也而顏師古又云一萬之外謂之數萬其注釋亦不確 曲臺

禮而已也天子大射雖在曲臺而后倉著書則不專為 此行禮也觀國案前漢義文志曰漢與島堂生傳士禮 注曰行禮射於曲臺后倉為記故名曰曲臺記引漢官 射也前漢儒林傳曰后倉說禮數萬言號曰后氏曲臺 三家立於學官以此觀之則后倉所說曲臺記非獨射 十七篇記孝宣世后倉最明戴德戴聖慶普皆其弟子 殿在未央宫前漢藝文志禮家有曲臺后倉九篇如淳 曰大射於曲臺晋灼注曰天子射宫也西京無太學於

多页四库全書

皆以十二齡前漢外戚傳曰惠帝崩太后發丧哭而泣 大三丁二八十一日 揚雄法言曰或問甘羅之悟吕不韋張辟疆之覺平勃 射禮亦可知矣 咸大戴授徐良小戴授橋仁楊子榮然則禮學相傅如 記授聞人通漢戴德戴聖慶普普授夏侯欽又傳族子 不下留侯子張辟疆年十五為侍中謂丞相陳平曰帝 此之盛其書今在者禮記儀禮是也由臺所記不止乎 法言 學林 Ē

言人或說項王而不言其人姓名蓋以其人不足書也 記項羽紀曰人或説項王都關中項王烹說者史記但 曰人謂姓人沐猴而冠果然羽聞之斬韓生觀國家史 蔡生欲安項咸陽項不能移又烹之前漢項羽傳曰韓 之語殆非十二齡所能言當從漢書年十五也法言曰 安法言云十二龄而漢書云十五者者觀辟疆啓陳平 生說羽都關中羽曰富賢不歸故鄉如衣錦夜行韓生

無壯子太后畏君等今請拜諸吕居中用事則太后心

多分匹庫全書

漢書叔孫通傳皆曰通使召魯諸生三十餘人魯有两 生不肯行此云魯而法言云齊魯者法言方論齊鲁有 臣之儀召先生於齊魯所不能致者二人觀國案史記 用蔡生之非而寔之以韓生也法言曰叔孫通欲制君 作安漢公時所撰班固在後漢永平間作史已知法言 在揚雄則言蔡生在班固則言韓生揚雄法言乃王莽 漢書者非一家揚雄班固各以其所傳漢史而用之故 班固作漢書欲致其詳故載其姓名曰韓生然古之作

大日日日日

學林

中言實録者不虚美不隱惡也末言聖人將有取馬者 勇决然則雄論太史公可否相半故其設對問者三意 亦可取而用之也又曰多愛不忍則於去取之際未為 子長也觀國案雄論太史公始言雜者不純乎仁義也 不如太史公之用也太史公聖人將有取馬多愛不忍 重黎篇曰或問太史遷曰實録君子篇曰淮南説之用 也法言問神篇曰淮南太史公者其多知與何其雜也 人臣而繼以叔孫通召諸儒故亦言齊鲁承上文言之 金りでんるる

論也 遺者老莫相子位馬嗚呼哀哉尼父史記孔子世家曰 哀哉尼父無自律禮記檀马曰魯哀公誄孔子曰天不 書皆稱遷有良史之材而法言所論殆責備於賢者之 各不同也班固作司馬遷傳費曰自劉向楊雄博極羣 **吊不然遺一老便屏余一人以在位筑筑余在夜鳥乎** 春秋哀公十六年左氏傳曰孔丘卒公誄之曰旻天不 孔子誄

大日日日 在出

學林

人以在位對氧余在夜鳴呼哀哉尼父母自律前漢五 耳書史引孔子誄惟史記與左氏傳解同蓋司馬遷米 嬛在疚然則魯哀公誄孔子之辭蓋集詩辭而為誄辭 月之交詩曰不愁遺一老俾守我王閔子小子詩曰嫘 遺一老俾屏余一人觀國案節南山詩曰不弔昊天十 行志曰哀公十六年孔丘卒公誄之曰旻天不弔不愁 金片巴屋台電 左氏作史記則解同可知也擅弓所記禮尚簡要漢書 孔子卒哀公誄之曰昊天不弔不愁遺一老俾屏余

:: j 日愁缺也觀國案愁缺者即字書所謂傷也 又文公十二年左氏傅曰两軍之士皆未愁也杜預注 觀國案此愁字亦且也發語之音多端不特此一字耳 吾君聞勝與臧之死也以為快杜預注曰愁發語之音 自殭之解亦且也春秋昭公二十八年左氏傳曰慭使 老也鄭氏箋詩曰愁者心不欲自疆之解所謂心不欲 曰愁魚鄭切且也傷也開也不愁遺一老者不且遺 五行志記災異之迹而已故所載該解皆不全也字書

國之下卿中當其上大夫下當其下大夫春秋成公三 國之中中當其下下當其上大夫小國之上卿位當大 其君小國二卿皆命於其君又曰次國之上卿位當大 馬曰大國三軍次國二軍小國一軍孟子曰大國地方 周之封國分為三等有大國有次國有小國周禮大司 百里次國地方七十里小國地方五十里王制曰大國 卿皆命於天子次國三卿二卿命於天子一卿命於 三等國

銀定四庫全書

周禮行人上公之禮其數皆以九諸侯諸伯之禮其數 所制之地也王制與左氏傳所言乃所制爵禄之位也 禮大司馬所言乃三等之國所制之軍也孟子所言乃 出封有國則其禮儀名數分三等之國而定其制馬周 年左氏傅曰次國之上卿當大國之中中當其下下當 國公為大國侯伯為次國子男為小國五等之諸侯 下當其下大夫觀國紫此乃五等之諸侯分為三等之 其上大夫小國之上卿當大國之下卿中當其上大夫

卿也管仲畏於義而不敢踰馬至周之哀諸侯偕天子 也周之封建之法唯此而已故齊侯使管夷吾平戎於 國之君不過七命小國之君不過五命此言三等之服 皆以七諸子諸男之禮其數皆以五此乃所制三等之 子之二守國髙在管仲受下卿之禮而還國子髙子上 王王以上卿之禮饗管仲管仲辭曰臣賤有司也有天 此乃所制三等擯相之禮也王制曰三公不過九命次 命數也又司儀曰公于上等侯伯于中等子男于下等

一多定匹庫全書

頑反春秋定公四年左氏傳曰詩云柔亦不站剛亦不 此何耶 灰色日尾在野 两 矜古頑反烝民詩曰不悔矜寡不畏強樂釋音曰矜古 大田詩曰大田剌幽王也言矜寡不能自存爲釋音曰 **焚之君自稱王春秋削之而書之曰吳子楚子其它僭** 大夫偕諸侯無復遵分守而盟會之際方且争長馬具 竊踰禮制者不可勝數文武周公之法至是其散乃如 矜 學林

金为四屋台書 也所謂矜寡者離亂失所獨獨可憐之人也矜字當讀 氏詩傳曰矜憐也偏喪曰寡鄭氏箋曰矜人可憐之人 得其所馬然則矜寡之矜不可讀為古頑反亦明矣毛 鰥寡既曰矜人又曰鰥寡故作詩序者以為矜寡無不 其所焉而其詩曰之子于征劬勞于野爰及矜人哀此 散不安其居而能勞來還定安集之至於矜寡無不得 皆音作古頑反者讀矜為鰥也然鴻雁詩序曰萬民離 吐不侮矜寡不畏强樂釋音曰矜古頑反觀國案於字

九七日上日上上十二日 羊詩曰爾羊來思矜矜兢兢不騫不崩則矜矜兢兢自 乃改兢兢為矜矜者兢兢戒慎之意與矜矜不同故無 十二年左氏傳引詩曰戰戰矜於如臨深淵如復薄水 是詩曰戰戰兢兢如臨深淵如履薄水而春秋僖公二 已若援此而遂音矜為鰥則于鴻雁詩辭大不合也小 寡為鰥寡者左氏多假借改易詩書之字取其意通而 公元年左氏傳亦引詩曰不侮鰥寡不畏彊禦乃改矜 為居陵及而陸德明釋音皆音作古頑反非也春秋昭 T

此事耳 棘戟矜戟之把也杜甫寄峽州詩曰張兵燒棘矜蓋用 戦長鍛也前漢徐樂傅曰起窮老 奪棘矜顏師古法曰 亦作程字書曰矛柄也史記淮南王安傳曰非直適戊 其所用之字而訓之不當逐讀矜為鰥也矜又巨巾反 是兩意左氏改戰戰兢兢為矜矜假借而已釋音當隨 金万口母台書 之衆饑鑿棘矜也賈誼過春論曰鉏耰棘矜非銛于句

文已日上上十四 學林 歌曰騎沓沓左太冲吳都賦曰雜沓縱萃凡此沓字皆 重也詩曰光蘭之葉童子佩群鄭氏箋曰繫之言沓所 沓者重也合也列子曰鏑矢復沓方矢復寓前漢郊祀 多用省偏旁之文故用沓字乃喈之省文耳核其義則 切喈亦作誻徒合切其字從口或從言其義一也詩人 曰沓徒合反觀國案字書噂沓語多也噂亦作譐兹損 猶沓沓鄭氏箋曰噂噂沓沓相對談語背則相憎釋音 十月詩曰尊沓背僧職競由人毛氏傳曰尊猶尊尊沓 敬宗養省以女嫁蠻首馮益子多私所聘此各字讀為 言則非先王之道者猶沓也此與詩噂沓之沓相 背憎職競由人亦循詩用沓字而用傳字者案字書傳 無誠心之意也春秋僖公十五年左氏傳引詩曰傳沓 沓字皆合也此皆沓字本義無語言多之意孟子曰天 以强沓手指前漢趙皇后傳曰昭陽殿上銅沓胃凡此 眾也與噂義不同左氏假借用字耳唐書許敬宗傳曰 之方蹶無然泄泄泄泄猶沓沓也事君無義進退無禮

金岁 巴眉 台書

六尺以及六十有五皆征之鄭氏注曰國中城郭中也 夫家之眾寡辨其可任者國中自七尺以及六十野自 節而不可奪也觀國案周禮鄉大夫之職以歲時登其 它合切蓋貪婪之稱也 論語自子曰可以託六尺之孤可以寄百里之命臨大 六尺

晚賦稅而早免之以其所居復多役少野早賦稅而晚 免之以其復少役多又案韓詩外傳曰國中二十行役

欠日日月八十五

六十歲而免比野早免五年也野遠而復少役多故十 國中晚免五年也其升降早晚皆以五年為率此周之 中近而復多役少故二十歲始征之比野晚征五年也 然則七尺者二十歲也其升降皆以五年則六尺者十 五歲則征之比國中早征五年也六十有五歲而免比 至六十五歲皆征之也征之者謂給公上之賦役也國 歲皆征之也野自六尺以及六十有五者自十五歲以 五歲也國中自七尺以及六十者自二十歲以至六十

金分四月台書

氏之說也 六尺之託章懷太子注曰六尺謂十五以下此乃用鄭 欠己日東江 周禮賦役之法言六尺者必以十五歲而論語云六尺 成法也以此觀之則六尺之孤為十五歲可知矣孔類 曰髙密侯禹元功之首東平王蒼寬博有謀並可以受 達周禮疏引鄭氏注論語云六尺之孤年十五以 '孤則十五歲以下皆可以六尺該之也後漢明帝詔 朋 尹

觀國案鄭氏箋詩曰五貝為朋王莽變法以兩貝為朋 直二千一百六十為大貝十朋蘓林注曰兩貝為朋朋 詩曰菁菁者我在彼中陵既見君子錫我百朋鄭氏箋 龜壯貝十朋伯龜幺貝十朋子龜小貝十朋是為龜寶 直二百一十六元龜十朋故直二千一百六十又有公 漢食貸志曰王莾變漢制作金銀龜貝錢布之品元龜 曰古者貸貝五貝為朋錫我百朋得禄多言得意也前 者廣韻朋字注云五貝曰朋武王悦箕子之對賜十朋

多分四周分章

以譬則羣賢皆願為用者也而王弼注釋以朋為朋黨 自居而天下之美利不期自至故曰十朋之龜弗克達 大王日本上于 月 有無也顏師古注曰貝以表飾然則龜貝古人記此以 甲也古貨貝而寶龜前漢食貸志曰金刀龜貝所以通 非也許慎說文曰見海介蟲也玉篇曰貝如車渠又貝 之十朋之龜弗克達紫此二爻皆在中正之位以柔誠 **朋耳易損卦六五或益之十朋之龜弗克違益卦或益** 以此知古以五貝為朋至王莽改其名品更以兩貝為 艺

金分四角分書 為實質而朋則其名數也 真填塵

笺曰丧亡之道滋久長也釋音填音塵召旻詩曰兢兢 業業孔填不寧鄭氏箋曰天下之人戒懼危怖甚久矣 桑柔詩曰不殄心憂倉兄填兮毛氏傳曰填久也鄭氏 釋音曰塡音塵瞻邙詩曰孔塡不寧降此大厲毛氏傳


曰填久也鄭氏箋曰幽王不愛民甚久矣釋音曰填音

塵觀國案東山詩曰蜎蜎者蠋烝在桑野毛氏傳曰烝

人とり上上上 則真填塵三字皆訓久也南有嘉魚詩曰烝然軍軍鄭 鄭氏箋所謂寘塡塵同聲蓋田塵二音通讀之耳其義 古者聲寡城塵同也以此觀之則寡城塵三字皆同音 真也鄭氏箋曰蠋蜎蜎然持行久處桑野有似勞苦者 田也而釋音於桑柔召旻瞻印詩又皆音填為塵者乃 箋曰當急難之時雖有善同門來久矣猶無相助已者 曰每有良朋烝也無戎毛氏傅曰烝寅也戎相也鄭氏 古者聲真填塵同也釋音曰寡填塵同音田又常棣詩

旗字專讀音田卷耳詩曰寡彼周行此寡字專訓為置 **弊論也填防の切與鎮同義史記封禪書曰战星填星** 之塵蓋詩非一人之所作其用字各有旨趣亦不可 宜岸宜獄毛氏傳曰填盡也鄭氏箋曰我窮盡寡也此 曰塵久也於東山常棣詩訓烝為真於南有嘉魚詩訓 氏箋曰然塵也塵然猶言久如也喻求賢之遲也爾雅 止之寡無將大車詩曰祗自塵兮此塵字專訓為塵垢 烝為塵則寡塵同聲可知矣若夫小宛詩曰哀我填寥

金岁四個分量



學林卷二	'		7/3			金分四月分書
¥						
						k
					·	卷二
		٠,				L
				Curso area		

欽定四庫全書學林卷四

詳校官中書臣羅錦森 員外郎日午稔文覆勘

總校官編修臣王熊緒 校對官中書臣王學海 謄録監生 臣書躍淵

欠己つる こよう 4 我随手者 自然に きにお婚 的なまさい 南京江南 经被收收 既英伊尹于亳谷單遂訓伊 Managara Managara 宋 明伊尹放諸桐三年復 曰惟仲康肇位四海此皆 **酷諱也五子之歌曰太** 王觀國 撰

事作沃丁此臣以其君之名為書之篇目也然則夏商 祖先之名同音者也周昭王名瑕而春秋時有彌子瑕 為武王陳洪範曰使羞其行而邦其昌是斥其父之名 祖之名也周康王名到而其孫有昭王此立諡之字 施令又作吕刑曰發開 也武王祖也穆王孫也武王名發穆王作冏命曰發號 無所諱可見矣周文王父也武王子也文王名昌箕子 孔子同時周穆王名滿而定王時有周大夫王孫滿 惟腥是穆王作語命自斥其先

多岁四月石電

M

とこうう こう 而書史釋音皆音正月之正為征也漢高祖名邦故史 避者秦漢以来始酷諱矣秦始皇名政故正月讀音征 武公之後是與國君同名也然則許自周始而不酷諱 名司空故廢司空而改為司城凡此類雖或諱之鮮有 教范獻子聘于曾問具教二山魯人對曰先君獻武之 所諱也而春秋時魯大夫有公孫敖與魯武公同名在 可知矣晉僖侯名司徒故廢司徒而改為中軍宋武公 臣用其君之名以為名者也魯獻公名具魯武公名 學林

為 漢吕后紀注曰维之字曰野難故漢人文字皆謂雜為 地 改微子改為微子開之類是也漢武帝名徹故徹侯改 山郡自此北嶽恒山改為常山也漢景帝名改故史記 鳴杜都傳曰野雞著怪若此類是也漢文帝名恒前漢 野雞史記封禪書曰野雞夜聲前漢郊祀志曰野雞夜 記前漢書不用邦字九邦字皆改國字也吕后名雉前 理志常山郡張晏注曰恒山在西避文帝諱改為常 通侯削徹改為蒯通史記天官書改循車徹之徹為通

多好四年全書

とこうえ 縣改為壽張縣之類是也漢明帝名莊故姓莊者皆改 光武名秀故秀才改茂才光武叔父名良故東郡壽良 為省中前漢孔光傳曰孔养嗣侯避王养更名均後漢 者罪不赦也漢元帝王皇后父名禁王莽諱之改禁中 病已至是改為詢其詔曰令前者赦之則令以後觸諱 更諱詢諸獨諱在令前者赦之盖宣而為皇曾孫時名 元康二年記曰百姓多上書觸諱以犯罪者朕甚憐之 是也漢宣帝名詢故荀况改為孫卿之類是也宣帝紀 J. 1. 19 學妹

不用談字而改趙談為趙同范煜父名泰故後漢書不 氏鐘慶純改為質純之類是也司馬遷父名談故史記 類是也漢安帝父清河孝王慶也凡姓慶者皆改為質 殤命名隆故前漢地理志河内隆慮縣改為林慮縣之 姓嚴前漢藝文志莊思改為嚴忌莊助改為嚴助莊尤 謂老莊之術為老嚴之術謂莊子為嚴子之類是也漢 改為嚴尤又五行志春秋莊公改為嚴公楚莊王改為 嚴王異姓諸侯王表秦昭莊改為昭嚴又班固叙傳

多次四牌全書

大巴司百 公計 帝名的故王昭君改為王明君經史中昭穆之昭本音 招以避晉文帝諱皆呼昭音韶徵招角招亦音為韶而 名則不改避而犯其父之名則改避何私于父而暴干 君耶魏武帝名操故杜操改為杜伯度之類是也晉文 王隆靈帝名宏而書有衛宏范煜於漢臣名犯漢帝之 業郭林宗盖避泰音而呼其字也案後漢安帝名祐而 後漢書有朱祐吳祐劉祐殤帝名隆而書有劉隆伏隆 用泰字鄭泰郭泰傅皆改為太字而兩傳文並稱鄭公 學林

守以父名永故改永寧為長寧王或字景文名與宋明 金岁四月百十 帝誰同故景文以字行孔靖字季恭名與宋武帝祖韓 黄瓜又諱勒字呼羅勒為蘭香羊枯牧荆州荆州人為 他 **韓其名政户曹為解曹孔安國父名愉安國除侍中乞** 為趙州石勒諱胡字故本草呼胡娄為香姜呼胡瓜為 不與侍中王偷連書王舒授會稽內史以父名會求換 經史釋音並音的作的矣此齊文宣太子名商改商州 郡于是改會為都舒猶不得已而行張稷為永寧太

名 というい ニエー 郡廣宗縣改為宗城縣之類是也唐高祖之祖名虎父 凡中字皆改為內也隋煬帝名廣故廣平郡改為永平 权度張裕字茂度以宋武帝諱裕而三人名皆與宋武 末徒居彭城以懿字犯晉宣帝名獻字犯晉元帝名故 同故季恭以字行王懿字仲徳王獻字元徳當晉太元 王仲德王元德兄弟皆以字行謝裕字景仁褚裕之字 **柄故唐人文字改虎為武改炳為景唐高祖名淵故** 韓同故皆以字行隋室諱忠字改中書省為內書省 五

明皇名隆基故睿宗子恵文太子隆範薛王隆業時去 彠 韋思謙本名仁的以近武后父名為嫌而以字行唐 為重潤而鮑照文集改為鮑昭之類是也武后父名士 治為理武后名豐音照故髙宗懿徳太子名重照改名 人文字皆改民為人也唐髙宗名治故唐人文字皆改 為戶又改業為來以避世字改昏為昏以避民字而唐 文懿之類是也唐太宗名世民故唐人書世為世書民 劉淵改稱劉元海戴淵改稱戴若思公孫淵改稱公孫 V

多分四库全書

名言忠不拜中書舍人字賀父名晉肅有言賀不當應 進士舉者韓愈為作諱辨是也朱温祖名茂琳改戊為 康當避源乾曜以父名 師民不拜太子少師賈曾以父 故王純改為王紹之類是也唐穆宗名亘故亘州改為 宗諱改為仁愿之類是也高宗子封孝欽皇帝名洪徐 有功名洪敏以避孝欽皇帝名而以字行唐憲宗名純 隆字之類是也唐睿宗名旦張仁愿本名仁亶以近春 州之類是也李涵雅太子少傅吕渭建言涵父名少

とこりる

たた | 日

华林

武至今北人呼戊為武又温父名誠温篡唐居汴州人 王玄孫之子如意為廣宗王且劉氏同宗而同名如意 有昌字者悉改避之又人名有昌字者亦改避之高李 縣考縣胙縣襄縣也李克用父名國昌克用立州縣名 髙祖十年徒代王如意為趙王平帝元壽二年立代孝 知也夫名者所以別同姓而欲知其宗系之次也前漢 昌改為季與之類是也自秦漢以下至五代其酷諱 為諱城字故韋城考城胙城襄城等縣至今但呼為韋

あけ四件全書

たこうるといい 也 故有諱而不酷諱也秦漢以来文乎文者也文乎文則 夏商之時質質則事簡故無所諱周之時文文則事備 多事多事則疑疑則為之防也密矣此其所以酷諱 而奉天皇帝名張又太宗子鬱林王名恪而憲宗子建 何 王名恪且李氏同宗而同名孫又同名恪何以别之哉 以别之哉唐書太宗子紀王慎慎之子義陽王名琮 古今人表 Ł

所以戒羣臣使後之治水者不可踵蘇之無功也然則 羣臣愈舉以為可治水則其才智固己素稱于朝不幸 善之意也無約妲己管蔡幽属州吁趙高之徒皆在九 前漢書古今人表列九等之叙而最下第九等謂之恩 餘非恩也譬猶戰而敗績爾戰而敗績豈遽爾為愚人 等宜矣而鯀與周平王亦在九等之列益鯀在舜之時 而續用弗成則智有所因而力有所不足故也舜殛縣 班固以不道之君逆惡之臣皆置之九等此貶惡物

多好四样全書

77

久已日日 AMT 有古人而無今人豈書未成數 降不倫者不可勝計異足以盡公議耶表無漢人則是 五孔文子為孔子之所稱美而反居第七如此之類升 逆惡之臣班氏列在愚人之等則誤矣又如首卿居第 列子者有道之賢莊周當師之乃與師曠扁鵲同居第 王東遷以避之迫于不得已也平王非不道之君絲非 耶周平王為西戎所逼是時周室已弱不能枝梧故平 二而孔子弟子則居第三老子嘗為孔子師乃居第四

挏 也 應幼 前 前 曰 金りで屋 桐音 如 馬 漢 漢百官公卿表曰武帝太初元年更名家馬為桐 淳 注曰主乳馬取其汁 挏馬 酒李奇 禮樂志曰師 肥因名曰 動馬酪味如 注 曰主乳馬 注曰以馬乳為 挏 學百四十二人其七十二人給太官 馬今梁州亦名馬 酒 以幸華為灰鬼受數斗磁馬乳 而飲之亦可醉故呼為酒也 桐治之味酢 酒撞 桐乃成也 酪為馬酒晉灼 可飲因以名官 顏師古注 馬 挏 又

白量

とこうえ しょう 以摊 家馬之官名為桐馬耳若然則太僕有桐馬令一人有 之馬則桐馬者乃太僕之屬官也字書曰桐擁也引也 桐馬及五人有桐馬尉一人其所治亦主供天子私用 須故謂之家馬武帝太初元年更名家馬為桐馬則改 師古注曰家馬者主供天子私用非大祀戎事軍國所 漢百官公卿表曰太僕掌與馬有家馬令五丞一尉顏 桐音挺桐之桐觀國紫桐馬者乃官號非酒名也前 引其馬為義故曰桐馬禮樂志曰師學百四十二 學林

者條奏丞相孔光大司馬何武奏其不應經法或鄭衛 事太官令役以造酒而供桐馬官也以禮樂志上下文 之聲皆罷其名號數十或罷或不罷者也師學百四十 考之可以見志曰河間獻王獻雅樂至成帝時謁者常 尚王時疾之及即位乃下記罷樂官在經非鄭衛之樂 卿以為久遠難分明議寢是時鄭聲尤甚哀帝自為定 山王禹世受河間樂其弟子宋煜等上書言之事下公 人其七十二人給太官挏馬酒者乃是以七十二人給

多好四月月

東巴印刷 AIB 七十二人撥隸他局而其餘七十人又罷而不用是師 造 太官合供之故給此七十二人使從役于太官而使之 盖桐馬令五丞一尉其官吏必多當時桐馬所用之酒 師學乃引樂之有禄食者也師學百四十二人者兄員 如此之多也其七十二人給太官挏馬酒者以此七十 二人其七十二人給太官桐馬酒其七十人可罷者盖 一人撥隸太官使之役之以造酒而供桐馬之所用也 酒而其七十人則罷而不用盖師學百四十二人以 學林 1

|春會員六十二人一人給事雅樂六十一人可罷凡此 金少世月白電 學百四十二人皆省而不在樂府矣此皆不應經法者 注釋之說不能稱考辨明而卒取撞桐之義又謂桐為 漢書者乃以給為給酒則愈誤矣顏氏家訓牽于漢書 皆稱給盖給屬別局與給太官之給同也如諸家注釋 漢書乃以桐馬為酒名則誤矣志曰郊祭樂人員六十 也哀帝 二人給祠南北郊又曰給祠南郊用六十七人又曰鄭 疾鄭聲而首樂官本志首尾甚詳而諸家注釋 57

欠こりる ところ 帝紀諸侯王表耳音仍仍耳聲相近盖一號也觀國案 平帝紀曰元始五年立梁孝王玄孫之耳孫音為王又 前漢惠帝紀曰太子即皇帝位上造以上及內外公孫 曰耳孫玄孫之曽孫也顏師古曰耳孫諸説不同據平 的注曰耳孫者玄孫之子也李斐曰耳孫曾孫也晉灼 耳孫有罪當刑及當為城旦春者皆耐為鬼新白粲應 桐當桐花開時造馬酒具鑿愈甚矣 耳孫 Ą 學林

奴傅考之自烏維單于而下或立弟或立子以世次定 諸侯王表梁孝王表曰元始五年二月丁酉王音以孝 又匈奴傳曰握衍的鞮單于者烏維單于耳孫也以匈 孫當從漢書以耳孫為曾孫是也若以耳音仍則誤矣 王女孫之曽孫紹封然則漢書在紀言耳孫在表言曽 則 孫者曾孫也 握 文身斷髮 行的與單于與烏維單于之曾孫同行又以知 f

金好四月全書

P.

卷三

九七日日 Adm 1 矣北方曰狄衣羽毛穴居有不粒食者矣泰伯虞仲 交趾有不火食者矣西方曰我被髮衣皮有不粒食者 故斷其髮文其身以象龍子故不見傷害觀國案禮記 者其在昌乎太伯虞仲知古公欲立季歷以傳昌乃二 姜生少子季歷季歷生昌有聖瑞古公曰我世當有與 曰東方曰夷被髮文身有不失食者矣南方曰蠻彫 史記周本紀曰古公亶父有長子曰泰伯次曰虞仲太 人心如荆蠻文身斷髮以遜季歷應劭注曰常在水中 學林 土 題

地牽牛發女之分野也其君禹后帝少康之子云封于 同于蠻夷之習以示無爭立之心乃得以全其生也使 會稽文身斷髮以避蛟龍之害盖文身斷髮者專俗之 以象龍子而不見傷害則其說疎矣前漢地理志曰專 金少四人名意 以取斃古今一理也若謂常在水中故斷其髮文其身 **乎唐太宗初為秦王時功既高矣建成元吉不知幾卒** 古公之欲立季歷以傳昌也乃犇荆蠻文身斷髮盖自 二人不與荆蠻則見忌于父子兄弟之間其能全其生

たとりらいう 日 師古注曰耐文救反三重釀醇酒也觀國觀古之諸侯 回因八月獻剛祭宗廟時使諸侯各獻金来助祭也顏 **使坐獻黃金剛祭宗廟不如法奪爵者百六人服度注** 月成名曰酎酎之言純也武帝紀曰元門五年九月列 前漢景帝紀曰元年高廟耐張晏注曰正月旦作酒八 記有象龍子之語爾 好也非避蛟龍之害也班固誤訓其文故應的注史 酎酒奪爵 十二

及西羌侵邊中國困乏卜式知其危故身先以率天下 人案武帝數事征伐末年國耗民貧四方騷然及南專 求從軍至飲耐少府省金而列侯坐酎金失侯者百餘 四十斤田十頃布告天下天下莫應列侯以百數皆莫 上書願父子死南粵天子下詔褒揚賜爵關內侯黃金 然後知其事有所因志曰南專反西羌侵邊齊相卜式 不至于奪爵而武帝削奪之典如此其重者讀食貸志 自非大惡不道則不至于奪爵失侯令酎金不如法鼻

鱼为四月 有書

案裴嗣注史記太史公自序引衛宏漢書舊儀注曰司 坐舉李陵降匈奴而下蠶室其鼻與刑頗不從類觀國 削爵無位而已古之五刑犯淫者待之以宫刑司馬遷 重權一時之宜可也非不利之法也古之舉賢不當者 有特以私怒而加威故酎金之皋雖輕而削奪之典特 武帝雅式既峻欲以此動諸侯而覬諸侯之来應也然 以酎金不如法而列侯奪爵者百餘人此在漢法未之 侯憚於從軍各自顧望莫有應者武帝因此發怒乃 學林 中四

馬遷作景帝本紀極言其短及武帝過武帝怒而削去 金分四月全書 私忽之刑故舉與刑所以不從類也景武之紀止則知 當時諱其書無敢傅者耳 前漢元帝紀賛曰元帝多材藝善史書鼓琴瑟吹洞簫 日遷沒之後止景紀武紀元成之間褚先生補缺作武 之後坐舉字陵降匈奴故下蠶室有怨言下獄死張晏 紀由此觀之則司馬遷坐舉李陵而下蠶室實武帝 度曲 卷三

Kright Main 19 未終雲起雪飛則以度曲為歌曲矣杜子美陪字梓州 賛所謂自度曲者能製其音調也被歌聲者以所製之 泛江詩曰翠眉紫度曲雲屬嚴分行亦用為歌曲矣徐 接臣瓚之説以度曲為歌曲故張平子西京賦曰度曲 音調播之歌聲而皆合其節奏也臣蹟以謂歌終更授 其次者誤矣盖歌終更授其次者歌曲也後之文士多 曲 謂歌終更授其次顏師古注曰度音大洛反觀國案 自度曲被歌聲應的注曰自隱度作新曲臣瓚注曰度 學林

故金布令甲曰邊郡數被兵流離餓寒令天下共給其 費顏師古注曰金布者令篇名也令甲者其篇甲乙之 有令甲令乙令丙前漢蕭望之傳曰永惟邊境之不瞻 令書有甲乙丙丁之篇次故前漢書音義曰令有先後 律令有成法者文士皆稱曰著于令甲觀國案古之律 陵曰奏新聲于度曲唐書段安節善樂律能自度由此 多分四月全書 乃元帝自度曲之本意也 令甲 T.

次三日年在馬 爾 朝廷行詔勅約束之文其末必有餘如律令之語盖約 雷部中鬼名能疾行故符咒者以為言觀國案漢以来 篇目而一縣稱曰著于令甲則非也世之符祝之巫有 急急如律令之語李濟翁資服集曰令音平聲律令者 則各有目舉其事則無舉其目也若不問其事之在何 篇故也然則古之法書以甲乙丙丁分其篇次而其事 數章懷太子注曰令丙為篇之次也盖筆令在令丙之 次也後漢章帝紀元和元年七月詔曰令丙箠長短有 學林

甲者教令之始也當民未犯故先甲一日以示之則易 如視忽忽眇綿作炳先甲一日易後甲一日難觀國案 有 自舉矣巫覡符咒之語其告誠思神亦猶朝廷之告誠 東該載不盡餘事自有律令常法但言如律令則庶目 金岁四周 臣民也故符咒亦有如律令之稱朝廷約束之文末必 有朝廷詔敕約束之文引雷部鬼名以喻其疾速者乎 濟翁誤矣楊子法言曰或問先知曰不知知其道者其 勒字故符咒如律令之末亦用敕字此其可見也豈 在里 1 卷三

欠己日年 A 香 後甲三日联躬的齊戒拜祀于郊觀國案先甲三日為 慎之至也前漢武帝紀元冉五年詔云易曰先甲三日 此答先知之問故有先後難易之言也易蠱卦曰先甲 五申之而猶有犯馬乃刑之而不疑所以取信于天下 後庚者先後皆以嚴令示之也先王之于民始則三令 主仁庚主義先甲後甲者先後皆以宽令示之也先庚 及民已犯而後令之則晚矣故後甲一日以示之則難 三日後甲三日巽卦曰先唐三日後庚三日觀國案甲 學林

此皆用卒丁之日以接事盖古法也 的公二十五年七月上年大雩季辛又雩又襄公元年 曰丁已用牲于郊後漢禮儀志曰正月上丁祀南郊九 夏四月辛巳郊尚書武成篇曰丁未祀于周廟召詰篇 甲之文也春秋宣公八年六月辛已有事于太廟又成 辛後甲三日為丁言自新丁寧以臨祭祀故舉先甲後 金好四儿白量 公六年二月辛已立武宫又十七年九月辛丑用郊又

た己日·日 10mm 皆因經費不足權宜而行之未幾皆寝罷然則終唐三| 乾元重寶以一當十復鑄重輪乾元錢以一當五十此 高祖所撰錢寶之號非年號也自古未有以年號鑄文 者唯唐乾封元年鑄乾封重實以一當十又乾元初鑄 模太穆皇后誤以指甲損其模遂鑄甲文盖開元者唐 案唐書食貨志曰武德四年鑄開元通實錢有司進錢 號所鑄錢背有半月手甲文俗謂是楊妃甲痕皆非也 今之錢中開元通實錢最多俗或謂是唐明皇開元年

漢百官公卿表曰无帝初元元年置戊已校尉顏師古 前漢西域傳曰元帝置戊已校尉屯田車師前王庭前 天祐天福唐國等錢而本朝始專以年號鑄錢然宋通 百年皆鑄開元通實錢母怪乎此錢之多也至五代有 注曰甲乙丙丁庚辛壬癸皆有正位唯戊巳寄治耳今 **元時所鑄盖錢文不可用二寶字故變其文也** 元 實皇宋元實非年號宋通乃開實時所鑄皇宋乃實 戊已校尉 卷三

多岁口屋 有電

とこうこ 尉屯田于車師前王庭則都護之外又添置戊已二校 已觀國案西域自有都護以統之元帝又置戊已二校 已二校尉屯田于車師前王庭章懷太子注引漢官儀 十六國漢置校尉領護之宣帝改曰都護元帝又置戊 曰戊己中央鎮護四方又開渠播種以為厭勝故稱戊 之中無諸國也後漢西域傳曰武帝時西域內属有三 校尉一説戊己居中鎮護四方今所置校尉亦處西域 所置校尉亦無常居故取戊巳為名也有戊校尉有巳

金分四月全書 戊已二校尉者若後漢耿恭傳曰以恭為戊已校尉屯 西域居中之地諸家訓說皆非也厭勝之說尤謬所謂 **雙實都護之職戊已校尉所不預馬况車師王庭亦非** 烏孫壘城于西域為中都護治馬以此觀之則居中鎮 前王庭則有常居矣非寄治也前漢西域傳曰都護治 於車師前王庭爾鎮護四方則非其任也盖戊已土也 尉是戊已校尉為都護之屬官也所置校尉專主屯田 田以耕土為事故取戊已為名既專主屯田於車師 卷五

此類是也 車師後王部金蒲城關罷為戊已校尉屯前王柳中城 慮囚

前漢為不疑傅曰不疑為京北尹每行縣錄囚徒顏師

古注曰省録之知其情狀有冤滞與否也今云慮囚本

大元日四日 日本

學林

史五代史皆稱慮囚二字皆是也録者省録之也處者

為思慮之慮失其源矣觀國案前漢後漢皆稱録四唐

錄聲之去者耳音力具反而近俗不曉其意訛其文遂

皆爾 國都家縣鄙應刑貶鄭氏注曰應謂謀也謂當圖謀緩 金分四月百十 意批為思慮之應失其源盖師古未當稽考而處生非 刑 謀議之也周禮朝士若邦凶荒礼喪鬼戎之故則令邦 凶者謀議之欲不失其情也顏師古乃謂近俗不晚其 既伏其辜鄭氏箋曰慮圖皆謀也由此觀之則史言應 **此減也雨無正詩曰吴天疾威弗愿弗圖含彼有罪** 同 姓

次足り后 在時 周 學林 別春秋左氏傳曰昔周公吊二叔之不咸故封建親戚 馬盖自戰國迄于秦火譜系散止而同姓異姓混而無 次脫誤司馬遷不能究而又不言闕疑故後世無所考 舜自嗣帝歷二世而至禹何其遠近不等之甚耶其世 夏禹之父曰縣餘之父曰帝顓頊觀國案舜禹同時 也同出於嗣帝之系是為同姓然自嗣帝歷六世而至 望句望父曰敬康敬康父曰窮蟬窮蟬父曰帝顓頊又 史記本紀虞舜父曰瞽瞍瞽瞍父曰轎牛轎牛父曰句 Ŧ

Ž 孰不知禮盖吴實泰伯之後與曾同姓也魯昭公取吴 姬是為取同姓魯人諱取同姓故謂之孟子孟子其字 昭 也盖文之的十六國皆文王子為文之同姓也武之移 之同姓也同姓不可為婚所以別人倫也故陳司敗問 四國皆武王子為武之同姓也周公之嗣六國皆周公 以藩屏周管蔡城霍魯衛毛冊部雍曹滕畢原酆郎文 金がとにた 出也 形晉應韓武之移也九將那茅胙祭周公之角 公知禮乎君取于吳為同姓謂之吳孟子君而知禮 121-mu T 卷三

しろうう 禮已養矣晉假道於虞以伐號官之奇諫曰泰伯虞仲 則必生疾矣杜預曰同姓姬四人也春秋之際同姓之 今君內實有四姬馬其無乃是也乎四姬有省猶可無 之疾病子産曰內官不及同姓男女辨姓禮之大司也 侯有疾鄭伯使公孫係如晉聘且問疾叔向問曰寡君 曰孟子卒而已以言其不用夫人禮者也左氏傅曰晉 人不言處不言葵小君皆因魯人諱之春秋不改但書 也春秋哀公十二年五月甲辰孟子卒不書姓不稱夫).i... 學林

金月四月有書 同 伯 乎桓莊之族何罪猶尚害之況以國乎杜預曰桓叔莊 大王之的也貌仲貌叔王季之穆也為文王卿士敷在 始為姓至周封于 陳為胡公十三世奔 齊姓田氏田和 漢元后傳曰王莽自謂黃帝之後姓姚氏八世至舜以 王室藏在盟府將號是滅何愛于虞且虞能親於桓莊 姓猶路人也無罪而且殺之而況于婚豈有禁哉前 齊國稱王至漢失國齊人謂之王家因以為氏後徙 之族晉獻公之從祖昆弟獻公患其偏盡殺之當時 W.

とこうし ここう 別故為婚娶觀國案养自序曰齊人謂之王家因以為 氏後徙魏郡元城為魏郡人盖雖徙元城為魏郡人然 恭妻即咸女顏師古注曰茶本以與譚姓不同祖系各 代車千秋為丞相封宜春侯薨子譚嗣譚薨子咸嗣王 之女养傅又曰姚鸠陳田王氏凡五姓子之同族也皆 魏 以為宗室其元城王氏勿令相嫁娶前漢王訢傅曰訴 師古注曰王訢為丞相封宜春侯傳爵至孫咸茶妻咸 那元城為魏郡人王养傅曰养妻宜春侯王氏女顏

金好四月全書 王尋使匈奴班四條與單于令奉行時王莽奏令中國 奴傅曰漢造設四條遣中郎將王駿王昌副太尉甄阜 同為齊之王氏則同姓矣若夫以元城齊南為異是異 得王姓則自齊也王訢傅曰王訢濟南人也訢雖無家 後漢書人名惟一字無以二字為名者觀國案前漢句 居也非異宗也 可考然據列傳云濟南人則是亦齊之王氏也訢养 後漢一字名 77

次5天日本人上 慕從聖制由此觀之則是平帝時茶奏中國不得有二 名故後漢人皆以一字為名也莽雖篡敗光武中與而 于使上書言聞中國談二名故名囊知牙斯今更名知 平惟四夷未有異乃遣使者齊黃金幣帛重貼匈奴單 遣使者答諭厚賞賜馬又前漢王莽傅曰莽念中國已 聖制臣故名囊知牙斯今謹更名曰知养大悦白太后 漢必加厚賞單于從之上書言幸得備藩臣竊樂太平 不得有二名因使使者以風單于宜上書慕化為一名 學林 十四

夷而不刻害也蘇林注曰無害若言無比也一曰害勝 也 音義曰文無害有文無所枉害也律有無害都吏如今 金グロム 言公平吏一曰無害者如言無比陳留間語也前漢蕭 史記蕭何沛豐人也以文無害為沛主吏樣注引漢書 漢制 何傳服度注曰為人解通無嫉害也應幼注曰雖為文 無能勝害之者晉灼注曰酷吏傳趙禹為丞相亞夫 無害 則不改故終後漢之世人惟一字名也

KIND IDI CI MIND 召為大底丞又張湯給事內史為寧成振以湯為無害 給事河東守府衛将軍青使買馬河東見宣無害言上 或曰無所枉害或曰無比或曰無嫉害或曰不刻害或 私平允而稱為能吏矣史記酷吏傳減宣以佐史無害 文無害者謂不侮文則不害法也不侮文不害法則公 曰無能勝害之者或曰無人能傷害之者然皆未當也 顔師古注曰害傷也無人能傷害之者觀國考諸家說 吏亞夫曰極知禹無害然文深不可居大府蘇說是也 學林

水歸義越侯嚴為戈船将軍出零陵下離水張晏注曰 波將軍路博德出桂陽下湟水樓船將軍出豫章下順 前漢武帝紀元門五年夏四月越王相吕嘉反秋遣伏 蕭何能輔之以道則不沈於刀筆之間也 不害法者持文必深若非有道以輔之則皆為酷吏矣 害九此皆以不侮文不害法而 見稱於時也九不侮文 言大府調為茂陵尉又杜周為廷尉史張湯數言其無 金少世四百十 戈舩

嶮澀盖兩山之間亂石激水或石灘延亘屈曲湍瀧舟 大三丁馬 八十 屬零陵郡二水皆石險而離水南過桂林入蒼梧尤為 州之間有陽海山有水自山出至山下則分流為二其 盖船下安戈戟以御蛟鼍水蟲之害觀國案今全桂二 船顏師古注曰以樓船之例言之則非為載干戈船此 為名也臣瓚曰伍子胥書有戈船以載干戈因謂之戈 越人於水中負人船又有蛟龍之害故置戈於船下以 向南流者為離水其一向此流者為湘水其地在漢 H 學林

曰帝竟五曰帝舜觀國案周禮外史掌三皇五帝之書 故謂之戈船將軍以其善水戰也亦非載干戈者也載 金分四月全量 史記本紀首叙五帝一曰黄帝二曰嗣帝三曰帝嚳四 夫船下安戈雖大江滄海猶不免挂觸而况于山谿石 險之水 乎 戈船者将軍之號也言能 乗船而用戈以戰 干戈者載任罷之舟耳 之行也禁回避石阻礙萬端然則船下不可安戈信矣 史記五帝紀 卷三

火足日日 白馬 至孔子傅易則曰庖犧氏之王天下也始作八卦作結 命之文諒其質畧不足垂法于後世故孔子刪而弗取 帝自古聖人言之著矣孔子定書斷自唐虞以下者取 其告命之文可以垂法於後世者耳竟舜之前非無告 史倚相超過王曰是能讀三墳五典八索九丘故孔安 鄭氏注曰楚靈王所謂三墳五典也春秋左氏傳曰左 少昊顓頊髙辛唐虞之書謂之五典言常道也三皇五 國尚書序曰伏義神農黃帝之書謂之三墳言大道也 学林

帝在三皇之數史記紀五帝乃取黃帝為五帝而獨遺 響亦與三皇等矣史記紀顓頊帝響而削三皇何耶黄 在可紀而史册削去三皇惟取五帝者豈以伏義神農 然則孔子未嘗不稱三皇也特不取其告命之文耳史 之有帝統盖紀帝王之名與德也三皇五帝之名德均 日中為市神農氏沒黄帝堯舜氏作垂衣裳而天下治 絕而為因母庖犧氏沒神農氏作断本為躬操本為来 不足紀與以為三皇洪荒不可紀則五帝之顓頊帝

金少也人人

次年日年 一個 尤雅者故著為本紀書首觀國案太史公作史乃採摭 于易傳言伏義神農之類反不足取信耶 空峒北過涿鹿東漸于海南浮江淮矣至長老皆各往 經傳而為之固不待聞四方長老之言然後可紀也至 往稱黃帝充舜之處風教固殊馬余并論次擇其言之 則誤甚矣太史公賛曰學者多稱五帝尚矣余嘗西至 少昊又何耶若謂尚書始堯舜而作史者不當紀三皇 五運

非相生之序也前漢律歷志曰秦以水德在周漢本火 も 故顓頊氏以水水生本故帝嚳氏以本本生火故陶唐 水故湯以水水生木故周以木凡皆以五行相生為序 之序也秦以水水生木則漢當以木矣漢反以火則亦 氏以火火生土故有虞氏以土土生金故夏以金金生 火生土故黄帝氏以土土生金故少昊氏以金金生水 五運之見于史者伏義氏以木木生火故神農氏以火 周以木木生火則秦當以火矣秦反以水則 相 生

金グログとう

欠にりin Little 19 而為南北两朝居南朝者曰晉宋齊梁陳相繼而立則 數而史家乃以秦為閏位不當五德之序其說不通矣 為相生之序則可也然自晉元帝渡江之後天下分裂 以漢之火而傳于魏之上以魏之土而傳于晉之金以 世而心亦猶隋室止傳二世而心盖其世称長短自有 使其子孫擇善改轍而持之則其歷世未可量不幸二 至赧王為秦所滅秦滅六國而無天下則正統在秦矣 之問顏師古注曰秦為閏位不當五德之序觀國案周 學林 芜

申 哉漢文帝時魯人公孫臣上書曰始秦得水德及漢受 則漢之一代無定論矣文中子謂隋萬祖曰陛下真帝 借奪者耳南北兩帝並立者二百餘年則正統果何在 乃水德之時河決金隄其符也及黄龍見成紀文帝 き 吾據中原而臨天下則正統在我也彼南朝者偏方之 正統在我也彼此朝者外域之入據者耳居北朝者曰 金好四月百量 推終始傳則漢當土德時丞相張養好律歷以為漢 明土德武帝亦據土德色尚黃數用五然漢卒以火

亦贅矣春秋哀公十四年春西狩獲麟公羊傅曰麟者 文武周公孔子之所不道而儒者各以臆見鼓其説斯 時賜子之徒論著終始五徳之運如淳注曰五徳各以 德漢火德隋當為土德然 降平以火則隋之一代無定 為序或超諸代而上承一代以為 序皆無定論蓋乾舜 所勝為行今考之前代或以五行所生為序或以所勝 論矣茍無定論則何以遵之哉前漢郊祀志曰齊威宣 てこうし 無踵偽亂必絡周漢以土襲火色尚黄阮逸注曰周木 1.1.

帝將代周居其位西狩獲之者從東方王于西也東卯 獲慶知為其出麟者木精新采者庶人然火之意此赤 烏夫子却觀未来豫解無窮知漢當繼大亂之後故作 也又曰得麟之後天下血書魯端門明日血書飛為赤 仁獸也有王者則至無王者則不至有以告者曰有屬 西金也言獲者兵戈文也言漢姓卯金刀以兵得天下 而角者孔子曰孰為来哉孰為来哉反袂拭面而涕沾 何体解曰夫子素案圖録知劉李當代周見新来者 :

彭坎匹库全書

思,

拭面而涕沾袍則是孔子不用魯史記而創增其說矣 とこうえ 也若謂有告者曰有庸而角者孔子曰孰為来哉反袂 史記之所不書者孔子未當創增其事也良公十四年 春獲麟當時魯史記所書止于此故孔子于此而絕筆 法修成春秋筆則筆削則削皆據魯所書之事而已會 史記而作春秋者也以魯史記所書之事而以褒貶之 者起木絕火王制作道備當授漢也觀國案孔子因魯 撥亂之法以授之又曰孔子 絕筆于春秋不書下三時 J. d. 5 學以 丰

· 多块四件全書 書發麟則孔子豈逐增其事哉冬雅曰符于春書狩者 取魯史記所書之事自小料射来奔而下續以為傳故 則非也案左氏傅哀公盡二十七年乃孔子卒後左氏 此故孔子亦絕筆于此若謂絕筆于春秋不書下三時 雖非常之獸亦獲馬見良公之荒于政也魯史記止于 春秋書甲戊已母陳侯鮑卒盖魯史記因其再赴而書 讓哀公變禮也言 西而不言地者 譏遠狩而非一地也 二日春秋亦書二日不改魯史記之文也尚魯史記不

年三叛人同而不在三叛人之數是以知作春秋時魯 次定四年在書 啊 綠之書皆虛怪不可必信之語也而謂孔子憑此以作 以竟舜文武周公之道而示之以褒贬之法彼圖録識 書春而不書下三時又何疑哉觀國竊謂孔子作春秋 史記未書小都射之事也以此考之則哀公十四年止 句釋来奔與邦庶其襄二十 苔年夷昭五都黑肱的 史記未書其事也何以知其未書其事也盖小都射以 有傳而無經則知孔子作春秋自小邾射来奔而下魯 學林 Ŧ

預 火代周之木則為秦者又何以處之哉至于木精亦帝 則 **昭襄王滅周後五十年嚴在乙未當漢禹帝之元年然** 春秋則誣聖人甚矣自魯哀公十四年獲麟至周赧王 及春衰然後漢乃與盖其反覆變態授受不一孔子乃 **使變而為戰國七雄泰能合而為一是則滅周者泰也** 五十九年凡二百二十有四年而秦昭襄王減周自秦 自獲麟至漢元年凡二百七十有四年其間十二諸 知劉李有天下而書獲麟以應之將誰欺耶謂漢以

クロルス三世

次至日東公馬 三 十以甄舒仲為予西土及舍中人以董為千里草以趙 案圖緯之文但象形取義而已如以天保為一大人只 不從卯貨字從貝非真字字書與本史必有一誤觀國 無從出有以見其何會之不合也沈存中曰卯金刀為 劉貨泉為白水真人出於緯書乃漢人之語劉字徒引 西字可以象金而一初不言東亦不言兵則卯之與刀義 血書亦鳥皆不經怪誕之說以駭俗聽而何休援此以 釋經亦已過矣如金刀者假借文字形聲耳西狩止有 学林

鄙俗之語尚何字書之責耶 武反正為之毀則為賊四蟲為蟲此正言字書之義至 之年後世猶以左氏傅會其事為誣而況圖緯之家多 于亥有二首六身為二萬六千六百有六旬以知絳人 九此皆 象形取義者非字書偏旁之法也若夫止戈為 死以業為苦未以三刀為州以召刀為的以破田為丑 子以昌為二日以岳為丘山以運為軍走以隆化為降 金少世屋石雪 為小月走以身為二月了以卓為十日上以字為十八

勃五樊噲六郎商七奚涓八夏侯婴九淮嬰十傅寬十 侯之功觀國案十八侯者一蕭何二曹參三張敖四周 始論功而定封封爵之誓曰使黄河如带泰山若礪國 前漢髙祖功臣表曰漢王即皇帝位八載而天下廼平 2.17.12 Sian 10 又作十八侯之位次萬后二年後詔丞相陳平盡差列 以永存爰及苗裔于是申以丹書之信重以白馬之盟 一新歙十二王陵十三陳武十四王吸十五薛歐十六 漢萬功臣 學林 三十四

總 敖本無熟勞而居第三張良陳平佐高祖定天下而不 周昌十七丁復十八蟲達也高后二年盡差列侯之功 預十八侯之列此其可疑也觀國竊謂當時日后以魯 不預十八人之末那然則當時無公論可知矣若謂以 而佐漢與張良陳平一體蕭何居第一而張良陳平乃 良陳平雖無被堅執鋭之勞然實謀主也蕭何以謀主 公主之故曲意取張敖為第三非天下之公論也張 百五十三人皆在功臣表今考十八侯之位次張

郵好四牌全書

とこうこ 事而髙后已有疑大臣將相之心時陳平為丞相承詔 次之降如此觀國獨謂高帝崩高后專制諸吕雖未用 封戸計則蕭何五千户而張良為萬户也若謂以封之 列侯之功一百五十三人可謂衆矣張良陳平不應位 六十二在鄂千秋之下陳平居四十七在華母害之下盖 矣至髙后二年復韶丞相平盡差列侯之功而張良居 先後則張良在六年正月丙午封而曹參以下則在十 二月甲申封也以此觀之則十八侯之位次果非公論 J. 1. 學从

在王子侯實百四十有三人班固作百五十有三人誤 差功臣則主差功臣者平也平多智謀輒自降其名位 班固誤也周吕建成二人在外戚羹颜合陽沛德四人 多员四件全書 功臣侯年表實百三十有七人而表作百四十有七人 五十有三人而張良陳平乃居其中實陳平之陰計也 所以示無爭功之心而為自全之計也然則功臣一百 人君第功臣必能合天下之公論然後可案前漢髙祖

安上字我禮本傳敦禮字安上世系曰薛振字元起本 火元日日 红土田 傅只作元超世系楊琳字再思本傅只作再思世系薛 士庶名宗偷本傳名倫世系曰裴世矩字洪大本傳名 為詳悉觀國讀唐史于辨疑之外復有可疑者今列於 矩世系曰温彦将字大有本傳大有字彦将世系曰崔 下方宰相世系四房玄齡字為松本傅字為世系曰高 近時有唐史辨疑一帙疏新唐史之外誤其事數百頗 唐史疑 學林 手か

曰終 唐之世宰相十一人宗室宰相赞曰唐宰相以宗 宗世系曰鄭餘慶相德宗據帝紀又相憲宗宗室世系 帝紀又相武后世系曰白敏中相宣宗據帝紀又相懿 婚相武后據帝紀又相中宗世系曰郭待舉相高宗據 世系曰薛稷相中宗睿宗據帝紀八相曆宗世系曰李 相太宗世系曰杜審權相宣宗懿宗據帝紀只相懿宗 帝紀只相代宗世系曰崔仁師相太宗高宗據帝紀只 禮字仁貴本傅只作任贵世系曰劉晏相肅宗代宗據

金少日月月日

一人者無字麟黃謂九人者無字麟李宗閔薛王知柔 大三日直 八十 世系也張氏宰相十七人無張光輔世系也陳氏宰相 章安石當作十六人也趙郡李氏宰相十七人無李潘 三人無陳希烈世系也世系三入相者武承嗣崔湜而 四人少趙隱當作五人也幸氏宰相十四人少幸承慶 三人少崔沅崔敦禮崔造當作二十六人也趙氏宰相 髙氏宰相四人少萬季輔當作五人也崔氏宰相二十 学林 丰艺

室進者九人觀國案宗室宰相實十有二人世系調十

武后有字義府相高宗有侯希逸相德宗有字訓相文 宗有鄭肅字遜夷相武宗有豆盧琢相僖宗有鄭原朱 景語孫元亨王本立杜景住王知古王及善于惟謙相 帝紀乃四入相也世系再入相者張弘靖杜鴻漸而帝 夏侯孜四人而世糸皆不書也宰相年表有武什方李 相也觀國祭史再入相者又有高士庶李固言陳夷行 紀乃一入相也世系再入相者務遂良而帝紀乃三入 金分四月年書 **相昭宗而世系皆不書也世系有韓滉相徳宗而年**

机武公至机桓公卒之年總一百一十有三年是机武 年去隱公元年一百六十一年矣以史記世家及之自 年三月壬午把伯姑容卒姑容者把桓公也自裹公六 王已六十年則知犯武公在春秋前也然春秋襄公六 七年乃卒今案孔子作春秋當周平王四十九年去厲 史記陳祀世家曰當周厲王時紀武公生武公立四十 表則不書也几此皆修史之際討論之失也 史互疑

十三年無王赴十二年然後餘昧始立那以此考之則 的公十二年表方書吳餘昧元年豈餘祭被弑吳國歷 銀定四庫全書 家之誤也春秋襄公二十九年閣弒吴子餘祭左氏公 嗣位四年被弑詹襄公二十九年也餘祭既弑矣年表 餘祭卒是餘祭事國十七年而卒也案史記年表餘祭 羊穀梁史記十二諸侯年表皆同惟吴世家稱十七年 猶書五年終于十七年十七年乃魯昭公十一年也魯 公生在春秋中也然則世家謂周属王時生武公盖世 巷! 惠帝崩太后哭而泣不下及陳平等請拜諸吕為將居 其名相類而其事有大不相類者漢惠帝即位太后立 為太子惠帝崩太子立為皇帝年如太后臨朝稱制方 帝姊魯元公主女為皇后無子取後宫美人子名之以 漢書立高皇后吕氏帝紀唐書立則天皇后武氏帝紀 年表之失也 年表之誤可知也年表吴王十七年亦不書餘祭卒亦 吕武帝紀

貴之安也日后有假寵外戚太過之罪而無盗漢之心 **欽定匹庫全書** 諸召果能廢劉氏而革天命乎若夫武后則不然方且 及吕后崩大臣誅諸吕此亦必然之理使諸吕不誅則 惠帝而外崇諸吕之名位庶可以固吕氏之宗而享富 平請用諸吕太后哭乃哀盖吕后不過內欲繼統出于 **泣不下者太子幼太后心疑大臣未有自全之策及陳** 官子為太子者欲繼統出于惠帝也惠帝崩太后哭而 中太后悦其哭乃衣盖吕后獨生惠帝惠帝無子取後 100

欠已日日公野 19 如晉次于乾侯昭公復自乾侯歸鄲春秋書曰公至自 曰公至自齊居于 鄆及的公適晉至乾侯春秋書曰公 不相類可知也觀國案春秋魯季平子之逐的公也的 公奔齊故春秋書曰公孫于齊及昭公居鄭故春秋書 然後天下復有唐由此觀之則武后之與吕后其事大 及大臣誅二張中宗復即位徙太后上陽官復唐宗廟 天下已移為周矣非復有唐也然則武后真篡唐者也 一麽中宗改國號周自稱神聖皇帝立武氏七廟方是時 學林 四十

則無以見唐祚之不絕武后篡唐罪惡至大列諸帝紀 乾 帝在均州當其遷于房州宜書曰帝在房州史既不書 故晉史書曰帝在平陽此乃春秋書公在乾侯之法也 故春秋于此三年正月皆書曰公在乾侯凡此乃春秋 唐中宗雖被廢然而後復即位當其居于均州宜書曰 次于乾侯昭公三十 年三十一年三十二年皆在乾侯 紀年之法也劉元海叔天子以偕帝號時晉帝在平陽 侯居于鄭昭公又自鄭往乾侯春秋又書曰公如晉

金罗巴尼人

卷三

というら シャー 終于二十有五地之數始于二終于三十觀國案易言 前漢律歷志引易曰參天兩地而倚數天之數始于 參天兩地者為一三五為參二四為兩此五行之生數 被敗者十有五人當是時簪纓之流宜知幾而退避矣 用宰相七十五人而被殺者二十有一人被流者九人 者為唐正朔設不為其人設也武后淫刑踵及無辜九 乃復接武而競進浮名之誘人也如是哉 律歷志 7

也 五此五行之成數也班固援易于先後之意差矣志又 為二十有五二四六八十為三十九天地之數五十有 始于二然于三十此五行之成數也易曰天一地二天 地而倚數觀變于陰陽而立卦發揮于剛柔而生文此 拱着而變為卦爻也故曰幽贅于神明而生著參天兩 三地四天五地六天七地八天九地十故一三五七九 節言五行之生數也若天始于一終于二十有五地 一三五為九二四為六九六者老陰老陽之數以此

金为四月百十

欠記りる とき 子 參於前也在與則見其倚於領也夫然後行此孔子戒 觀國祭論語子張問行子曰言忠信行為敬雖蠻貊之 邦 此 如底其在天也佐助璇璣斟酌建指以齊七政故曰玉 衡 日衡平也權重也衡所以任權而均物平輕重也其道 **衛在前居南方之義也孟康注曰權衡量三者為參** 張以忠信為敬尚立則若參然在前尚在與則若 行矣言不忠信行不為敬雖州里行乎哉立則見其 論語云立則見其參於前也在與則見其倚于衡 學林 四十二

遠而孟康又以權稱量三者為參義益遠矣又曰凡律 金分四件全書 度量衡用銅者所以同天下齊風俗也銅為物之至精 帝熹平四年五官郎中馮光沛相上計振陳晃上言歷 之義乃金玉之義銅之義不如此也後漢律悉志曰靈 有似於士君子之行是以用銅也觀國案班固所訓 不為燥濕寒暑變其節不為風雨暴露改其形介然常 于領造次顛沛不可忘也班固援此以釋權衡取義僻 **元不正自開闢至獲麟二百七十五萬九千八百八十** 餇

次已9日 Aldin 19 簡推賢才不次任用故曰除其官除某差遣若據如淳 奏策如淳注曰凡言除者除故官就新官觀國案朝廷 前漢景帝紀曰中元二年令諸侯太傅初除之官有司 根之論也適以蔓疑非史家所宜道也 夫推實歷以較之尚多不密而况假圖識以為言殆不 七十六萬歲觀國案此數人言悉皆假圖識以為言者 六歲志又引元命苞乾鑿度皆以為開闢至複麟二百 除 學林 四十二

通之所謂除道亦開道也易萃卦曰君子以除我器戒 直道也史記曰始皇除道道九原抵雲陽聖山埋谷直 道也春秋莊公四年左氏傳曰除道梁溠杜預注曰開 除地也國語曰九月除道禮曰雨畢而除道九此皆開 不虞盖除者開新簡 何福不除毛氏傅曰除開也東門之墠詩毛氏傅曰墠 三義曰除開也曰除盡也曰除去也天保詩俾爾單厚 調除故官者是除去之也無乃非美稱耶字書除有 推使我器精且備也 以此觀之則

金为四周全量

欠足口戶 公馬 前漢韓安國傳曰匈奴畜牧為業弘弓射雅顏師古注 如淳誤矣 為除故官則是除去之也以除去之為除官固非美稱 除盡也故階除謂之除者階至此而盡也歲除謂之除 年秋胡詩曰良人為此別日月方向除五臣注文選曰 除官者亦如此類盖開新簡耀之也除又訓盡者頹延 嚴至此而盡也除又訓去者如淳注漢記以除官 弧弓 甲四

以角筋膠無漆以為之糾約耳是弓未嘗不用木也獨 木瓜次之荆次之竹為下然則為弓者以木為翰而加 露也凡取榦之道七 柘為上檍次之屢桑次之橋次之 膠也者以為和也然也者以為固也漆也者以為受霜 勢也者以為遠也角也者以為疾也筋也者以為深也 以木曰弧以角曰弓觀國案顏師古所 角曰弓然周禮考工記弓人為弓取六材必以其時 為孤判木為矢弧矢之利以威天下故云以木曰弧 T 訓出于易曰弦

金少正人人

欠足り車 白島 以角無定制矣周禮司弓矢掌六弓之法王弓孤弓以 曰桑 弧蓬 矢凡此言弧皆以木 為弧也然列子曰乃以 語曰壓弧箕服實止周國服度注曰壓桑也顏師古注 弓也有角筋膠無漆祭合而為之史記云宣王立女童 其始創弧矢則弦本為弧至周時禮樂庶事備矣故為 曰縻山桑之有文者前漢五行志曰縣孤桑弓也禮記 用角豈能為弓哉特假角以副其本也上古時質朴故 角之弘朔蓬之幹射之此又以角為弘是或以木或 學林 沿五

者能挽之以其能射速也韓安國傳所謂弧弓射雅豈 以强弓射獵耶 與學射者皆近射也近射用弱弓則射甲革楊質者用 来體寡謂之夹便往来體若一謂之唐大射行侯鳥獸 角火田屋月雪里 也然則弧弓者乃六弓之一弓其名為弧弓惟强有力 强弓矣王弓弧弓合九而成規往體寡而来體多强弓 大弓以授學射者益往體寡来體多謂之王弘往體多 射甲革根質者夾弓庾弓以授射新侯鳥獸者唐弓 不然則必以本孤弓又何意也

欠己り更 A.方 19 著其法太史武學童能調書九千字以上乃得為史又 其憂如此之甚者案前漢藝文志曰漢與蕭何草律亦 馬字皆為此亦小與未至於得罪而建驚曰複雜死矣 書馬者與尾而五今乃四不足一複譴死矣顏師古注 前漢石奮傅曰石建為郎中令奏事下建讀之為恐曰 奏牘以書馬字下少一點乃拖三點以當四點古今書 曰馬字下曲者為尾并四點為四足九五觀國案石建 讀史 學林

嘉正 歷并州長史奏事京師明皇善其政且 許以相及 我思之抗曰張齊丘今為朔方節度使帝即使作的以 書字或不正輛舉劾盖吏者百官上書也民者萬民上 曰朕常記其風操而今為此方大将張姓而複名如為 慮有舉劾之者故其憂如此之甚也唐書張嘉正傅曰 書也吏民上書字或不正則令史舉劾石建憂其譴死 宋璟等罷帝欲用嘉正而忘其名夜韶尚書侍郎韋抗 以六體試之課最者以為尚書御史史書令史吏民上

金少世人人有量

晉書和婚傅曰婚遷賴川太守太傅從事中郎便數見 表疏修史者不改其文也史家事必有所繫不得其繁 則有可怪者此類是矣 名即以為平章事觀國竊謂明皇心疑張齊丘非其人 正之名遂得之非因閱也外廷記事者以為因閱大臣 唯大臣表疏可以知之故明皇特閱大臣表疏以求嘉 為相夜且半因閱大臣表疏舉一則嘉正所獻遂得其

とこうら

1. A. 3 19

學林

型之

所稱者乃温橋非和 幡也和橋早顯與張華等同佐武帝又 與温崎同時而温 婚傅亦曰婚舉奏度數以此知度數 節施之大厦有棟梁之用觀國案兩傳所察之解則同 **敱皆參東海王越太傅軍事自惠懷以来 散仕漸顯正** 棟梁之用又庾散傳曰散有重名而聚級積實都官從 事温崎奏之毀更器婚曰婚森森如干文松雖磥砢多 而嘆曰婚森森如干丈松雖碍何多節目施之大厦有 則 以為和婚一則以為温婚史必有一失馬今案度

多片四月月量

於定日華全等 ·阿 在仁壽宫述與楊素元嚴侍文帝怒煬帝令述召房陵 死于家然則夜夢如而發癇者惧矣隋柳述傳曰文帝 王傳云如崔氏進毒于孝王孝王费崔氏以毒之故賜 夜夢必如雀氏日本来相迎即發癇而患觀國案秦孝 管源雄並為重鎮觀國案源雄傳曰拜徐州總管遷朔 則知賀若弼傳誤也隋書曰許智藏醫秦孝王謂孝王 在前矣隋書質若弼傅曰若弼為吴州總管與壽州總 州總管自朔州拜行軍總管以伐陳未皆為專州總管 學林

愈諱辨曰賀舉進士有與爭名者毀之曰賀父名晉肅 肅不敢舉進士韓愈為作諱辨然卒不就舉觀國条韓 嚴以屬吏觀國案宣華陳夫人傅曰述嚴為動書以示 不舉進士為是以此知賀常舉進士矣爭名者毀之故 楊素素以事白煬帝非召房陵王而執述嚴也南史梁 國祭三月未有芙蓉史誤記其月也唐書李賀父名晉 **昭明太子傳曰三年三月游後池乗彫文舸摘芙茶觀** 王述與元嚴作物書楊素聞之與楊帝協謀矯韶執述

白ノヒム と言

史記伍子胥傳曰子胥自到吴王怒取子胥尸盛以鸱 與諱辨合則知史解所載未之盡也 李賀朝勢造賀門賀覧刺不答稹惭憤而退稹登要路 唐人康駢作小説劇談録曰元稹以明經推第願結交 才為著諱辨觀國案唐人小說雖未可全信然記賀事 因指質祖稱諱進不合應進士舉送致輕朝韓愈惜其 韓愈作韓辨欲以全質之名也唐史與諱辨意不同矣 鸱夷

欠とりる

1.4.5

四十七

皮之所為故曰子皮觀國案古之貯酒器多以陶或木 瓶也觀 瓶之居居井之湄處高臨深動常近危酒膠不 為之皆有擊觸破碎之患故鸱夷者以皮為之可卷舒 漢食貨志曰范蠡報强吴刷會稱之恥乃東扁舟浮江 若城酒之鸱夷多所容受而可卷懷與時張弛也鸱夷 湖變姓適齊為賜夷子皮顏師古注曰自號賜夷者言 夷革浮之江中應劭注曰取馬革為鸱夷鸱夷榼形前 酒無破碎之患前漢陳遵傳引揚雄酒箴曰子猶

金分四库全書

威 欠近日日 公地司 麒 非 自 復借酤觀此箴意盖為以瓶汲井梗礙瓶破不如鸱夷 自用如此不如鸱夷鸱夷滑稽版大如壺盡日威酒 入藏水湍懷不得左右牽于經繳一旦重礙為寬所軸 麟 美酬薛判官詩曰欲學鸱夷子待勒燕山 為欲隱也乃欲富貴强兵如范蠡故其下句曰志在 號鸱夷子皮又號陶朱公托都名以自晦其跡耳杜 酒安而不败以喻人之飲酒不可自取困敗也范蠡 閣無心雲母屏 學林 五十 銘此詩意

前 觀之則藝文志云聊倉者是也廣韻者陸法言等諸賢 **案廣韻聊字落蕭切語助也亦姓也風俗通有聊倉為** 左右又藝文志從横家待部金馬聊為三篇顏師古注 漢侍中著子書又有聊氏為顏川太守著萬姓譜以此 士裒集古今氏姓譜牒天文地理經史百家之書而頻 曰嚴助傳作膠蒼而志作聊志傳不同未知孰是觀國 漢嚴助傳曰武帝得東方朔枚舉膠蒼終軍等並在 聊膠 卷三

金グロルるき

火足可見 一丁 傅表爰二字亦同音也若夫聊膠二字乃兩音則于假 **愚伏服雖三字而一音也史記有袁益傅前漢有爰益** 朝電晁雖三字而一音也史記孔子弟子有處不齊字 子賤儒林傅有濟南伏生名勝後漢有服處皆是同姓 錯傳前漢有量錯傳太史公自序曰贾生晁錯明申韓 膠二字音與義皆不同于假借為難合惟姓與名雖有 假借字當專呼一音朝字古文為鼂亦作晁史記有朝 之為可信也膠姓亦有膠屬當是班固假借用字然聊 五十一

借為難合矣 金号四层 秘祝官 春三

白量

案史記封 禪書曰秦祝官有秘祝郎有 災祥縣祝祠移 前漢文帝紀十三年夏除秘祝官應幼注曰祕祝之官 年下詔曰秘祝之官移過于下朕甚弗取其除之觀國 移過于下國家諱之故曰秘也又郊祀志曰文帝十三

湯誥曰其爾萬方有罪在予一人子一人有罪無以爾

過于下此秦法也漢因之至文帝始的除之耳觀國讀

也君益誅於祝固史器齊侯問晏子晏子曰若有德之 **楚康王曰神人無怨宜夫子之光輔五君以為諸侯主** 也齊供疥店期而不廖梁丘據與喬軟口是祝史之罪 祝史祭祀陳信不愧其家事無精其祝史不祈建以語 其責已如此之重故天下歸心馬昔屈建問士會之德 予一人無逸曰小人怨汝詈汝則皇自敬德古之人君 萬方說命曰一夫不獲時子之辜泰誓曰百姓有過在 于趙武趙武曰夫子之家事治言于晉國竭情無私其

欠己り日本島一

學林

五十二

郑子曰尚利于民孤之利也民既利矣孤必與馬左右 禁薄斂已責都文公卜選于釋史曰利於民不利於君 曰命可長也都子曰命在養民死之短長時也遂遷於 欲詠于祝史修德而後可察侯説使有司寬政毀關去 私髙臺深池撞鐘舞女斬刈民力輸掠其聚肆行非 矣其適遇淫君外內頗邪上下怨疾動作辟違從欲厭 金少也人人 君外内不廢上下無怨動無違事其祝史薦信無愧心 怒民痛是以鬼神不饗其國以禍之祝史與馬君若

呼文帝推是心也庶無愧哉 欠巴可证 /in 其福右賢左戚先民後已今吾聞祠官祝釐皆歸福干 矣文帝十四年又記曰先王遠施不求其報望祀不求 君不能修德而詩於上下之情故說秘祝之官欲以移 馬未聞不修其徳而移過于人以徼福於已也暴秦之 過于下雖三尺之童知其非也漢文帝能除之可謂明 釋由是觀之九君民者必能修施自任然後能享其福 躬不為百姓朕甚愧之其令祠官致敬母有所祈鳴

前漢律歷志曰数者一十百千萬也所以算數事物順 備矣觀國案易曰大衍之數當期之日二篇之策萬有 性命之理也本起于黄鍾之數始于一而三之三三積 銀灯四月分書 歷十二辰之數十有七萬七千一百四十七者五數雖 之歷十二辰之數十有七萬七千一百四十七而五數 千五百二十當萬物之數也所謂萬有一千五百二 者一十百千萬皆備馬此五數之本也律歷志所謂 五数

欠几日日 八十月 十二辰而至亥之數也子者乾之初九黃鍾為天統未 至亥而得十七萬七十一百四十七此自黃鍾之子歷 而得萬九千六百八十三至戌而得五萬九千四十九 得二千一百八十七至申而得六千五百六十一至酉 大行而出盖黄鍾之數始於子之一以三來之至母而 亦備然此乃生律之數非五數之本也生律之數亦自 至已而得二百四十三至午而得七百二十九至未而 得三至寅而得九至卯而得二十七至辰而得八十一 學林 平四

卦 者坤之初六林鍾為地統武者乾之九三太族為人統 三統既正則選相為官而律日生馬其法皆大行之餘 也二篇之末者陽爻三十六策陰爻二十四策六十四 二辰之數而言之則非其本矣一三五為九九者老陽 之造歷者本此而已班固不推大行而論五數乃指十 之能變者也二四為六六者老陰之能變者也乾統陽 陰文一百九十 二總計其策 萬有一千 五百二十古 凡三百八十四文陰陽各居其半故陽爻一百九十

金好四月五十

とこうらん ノーニー 得九六之數者皆有變之理盖天地自然之道也 能變者鯉能神化飛越山湖故為在地之能變者大抵 者故得六六之數龍能隐能顯不可制畜故為在天之 龍者在天而能變者故得九九之數鯉者在地而能變 老陰生少陰八是已九六七八乃撰着之變而為卦者 也龍八十一鱗九九之數也鯉三十六鱗六六之數也 故乾言用九坤純陰故坤言用六老陽生少陽七是已 辜狐 學休 至五

妻書又曰陵雖孤恩漢亦負德五臣注曰力屈而降則 報章懷大子注曰孤負也蜀志劉備傳曰常恐殞沒孤 孤恩也漢誅陵母亦負徳也後漢馬皇后紀曰派恩不 或以孤子之孤為負李陵各蘇武書曰功大罪小不蒙 書曰與其殺不卓又曰時子之辜詩曰民之無幸又曰 金月四月 全書 明察辜負陵心五臣注文選曰國家辜負其心見詠母 故字書曰幸罪也而享負者是可罪可責之義也古人 無罪無辜禮曰救無辜伐有罪凡言辜者罪之異名也 起こう

苗等奏孝仁皇后使中常侍夏惲永樂太僕封諝等交 餘人買賣而自取其利也又孝仁董皇后紀曰何進何 匹至二百萬章懷太子注引漢書音義曰辜障也謂障 和四年初置縣驥庭丞領受郡國調馬豪右推幸馬 推者言已自專之他人取者縣有辜罪後漢靈帝紀光 通故古人用孤字為孤負字不為失也前漢程方進傳 負國恩凡此皆用孤字盖孤者不報之義其義亦與幸 曰贵戚近臣子弟賓客多章權為姦利顏師古注曰幸

火足可見 八十

學林

平六

訓 音義所訓是也而顏師古以為他人取者輔有幸罪所 金少四月月十 通 而用之猶刑有罪者故名曰辜也 **侯穰紫積鄭氏曰辜磔牲以祭也磔牲謂之辜者刑牲** 四方百物小子曰凡沈阜侯穰飾其牲羊又曰凡沈奉 靈帝紀注同觀國案此章權乃阻障而獨取其利漢書 **迁矣權與較同音而義亦通周禮大宗伯以驅奉祭** 州郡章權所在珍實貨路悉入西省章懷太子注與 魯惠公

欠E可見 公馬 學林 十七年孝公卒子弗湟立是為惠公惠公四十六年卒 **隱公立盖魯孝公二十五年犬戎殺幽王是年周平王** 也又史記魯世家曰魯孝公二十五年犬我殺幽王二 已未魯隱公即位盖周平王既立三年然後魯惠公立 王三年歲在癸酉魯惠公即位至平王四十九年歲在 二諸侯年表曰周平王元年東徙维邑歲在卒未至平 立其下注八字曰惠公三年平王東遷觀國案史記十 啖趙春秋纂例魯十二公譜曰魯孝公卒子惠公弗湟 平七

金牙四四百十 在癸酉魯恵公立平王四十九年歲在已未魯隐公立 以此諸書考之則周平王東遷三年魯惠公始立明矣 通載曰周平王元年歲在辛未東遷雖邑平王三年歲 立而東遷既東遷三年曾惠公始立也又案章衡編年 啖趙纂例云惠公三年平王東遷非也 學林卷三